



:: إهداء ::

إليكِ أنتِ

لأنك غالية

جمع وترتيب

د / مصطفى إبراهيم زاید



### قائمة المحتويات

- لأنك غالية ..... ٥ ♥
- هو الحب حرام؟؟ ..... ١٥ ♥
- وعد العيون !! ..... ٢١ ♥
- الحب وسنينه !! ..... ٣١ ♥
- وقدرت تبعد؟؟ ..... ٨٥ ♥
- علاقة بريئة !! ..... ٩٧ ♥
- يعني إيه كلمة صحوية؟ ..... ١٠٢ ♥
- الحب والنت !! ..... ١٠٥ ♥
- إيه الحل؟؟ ..... ١٤٥ ♥



دار التعيم

للنشر والتوزيع

٠٠٢٠١٠٣٤١٨٧٨٤

للتواصل مع د/ مصطفى زاید

٠١١١٩٦٤٤١٣٣



## ♥ يَاااااااااااااه لو عرفتي قد ابيبيه انتي غالية...!!!

« يااااااه لو عرفتي قد ايه الإسلام رفع من شأنك  
وكرمك تكريم ملهوش مثيل !!  
« لااa

« انتي كـ "أنثى" بتمثلي نص المجتمع ..  
ويتولدي النص الثاني.. **يعني إنتي المجتمع كله !**  
« إنتي المسئولة عن تربية الأجيال ..  
**يعني صلاح المجتمع مرهون بيكي إنتي !!**

« إنتي غالية أووووي ؛ لدرجة إنك لو تأملتي  
في القرآن معجزة ربنا الخالدة في الأرض مش  
هتلاقي سورة اسمها الرجال .. ولكن فيه سورة  
من أكبر سور القرآن اسمها "سورة النساء" ..  
فيه سورة كاملة سُميت بإسم امرأة وهي  
"سورة مريم" .. فيه سورة نزلت في امرأة  
"سورة المجادلة" وكذلك سورة "المتحنة" ..



## لأنك غالية

« عمرك حسيتي قبل كده إنك غالية ؟؟؟؟؟؟؟  
ولو حسيتي الإحساس ده.. يا ترى ليه حسيتي بيه ؟  
عارفة إنتي غالية ليه ؟؟؟؟؟؟ « لأنك مسلمة ..  
عارفة يعني إيه مسلمة ؟؟

### « مسلمة = ملكة »

« أحد الإنجليز سأل واحد مسلم وقال له :  
ليه المرأة المسلمة مش بتسلم على الرجال كلهم ؟  
رد عليه المسلم وقال له : عندكم في بريطانيا ،  
هل مسموح لأي شخص إنه يسلم على الملكة ؟؟  
رد الإنجليزي وقال : لأ طبعاً مش مسموح.. عندنا  
سبع أصناف بس من الناس يُجيز لهم القانون ده..  
رد المسلم وقال له : وإحنا عندنا أصناف محددة  
برده هما بس اللي يجوز لهم ذلك زي ما انتو  
بتعملوا ده علشان الملكة ، لأن عندنا في الإسلام :

### « كل النساء ملكات »



♥ إنتي غالية أوي عند النبي ﷺ ؛ لدرجة إنه  
يقول إن اللي هيموت وهو بيدافع عنك هيبقى  
شهيدي ؛ (من قتل دون أهله فهو شهيد) صححه الألباني

♥ إنتي غالية عند النبي ﷺ وعلشان كده قال :

(رفقاً بالقوارير) صححه الألباني

« شوفتي التشبيه الرائع ده من النبي ﷺ للنساء  
بالقوارير في الرقة والطيبة والشفافية والعاطفة ،  
ووصيته للرجال باللطف بيكي وعدم جرحهم ليكي



« إنتي غالية لدرجة إن ربنا يقول :

(يَبِّ لِمَنْ يَشَاءُ إِنْتَأُ وَيَهَبُ لِمَنْ يَشَاءُ الذُّكُورَ)

الوهاب يعني العطاء .. وربنا ذكرك قبل الرجال في  
الوهاب ، وده تكريم ليكي وإعلاء من شأنك ..

« إنتي غالية أووووووي عند النبي ﷺ ؛  
لدرجة إنه يخوض معركة وغزوة مع اليهود  
تسيل فيها دماء المسلمين علشان واحد يهودي  
راود امرأة مسلمة إنها تكشف وجهها !!

« إنتي غالية أوي عند النبي ﷺ ؛ لدرجة إنه  
بيوصي بيكي في حجة الوداع قبل ما يموت  
وبيقول : (استوصوا بالنساء خيراً) حسنه الألباني

وأيضاً ﷺ بيوصي بيكي في حديث آخر وبيقول :  
(إن الله يوصيكم بالنساء خيراً ، إن الله يوصيكم  
بالنساء خيراً ، فأنهن أمهاتكم وبناتكم وخالاتكم )



﴿ تعالي نشوف بعض الأقوال عن المرأة في الأزمنة السابقة :

### ١- عند الإغريقين قالوا عنها :

شجرة مسمومة ، وقالوا هي رجب من عمل الشيطان ، وتباع كأي سلعة متاع !

### ٢- وعند الرومان قالوا عنها :

ليس لها روح ، وكان من صور عذابها أن يُصب عليها الزيت الحار ، وتسحب بالخيل حتى الموت!

### ٣- وعند الصينيين قالوا عنها :

مياه مؤلمة تغسل السعادة ، وللصيني الحق أن يدفن زوجته حية ، وإذا مات حق لأهله أن يرثوه فيها !

### ٤- وعند الهنود قالوا عنها :

ليس الموت والجحيم والسم والأفاعي والنار ، أسوأ من المرأة !! بل وليس للمرأة الحق عند الهنود أن تعيش بعد ممات زوجها ، بل يجب أن تحرق معه!

### ٥- وعند الفرس :

أباحوا الزواج من المحارم دون إستثناء ، ويجوز للفارسي أن يحكم على زوجته بالموت !



﴿ إنتي غالية أوي ، وعلشان كده الإسلام كرمك كـ " بنت " وكـ " زوجة " وكـ " أم " ..

♥ الإسلام كرمك كـ " بنت " لدرجة إن النبي ﷺ يقول : ( من كان له أختان أو ابنتان ، فأحسن إليهما ما صحبتاه ، كنت أنا وهو في الجنة كهاتين ، وقرن بين أصبعيه ) صححه الألباني

اللي هيحسن معاملتك هيقي مع النبي في الجنة !

♥ الإسلام كرمك كـ " زوجة " وأوجب على زوجك الإنفاق عليك وأمره بحسن عشرتك ، قال الله تعالى : ( وَعَاشِرُوهُنَّ بِالْمَعْرُوفِ ) النساء: ١٩

وقال ﷺ : ( خياركم خياركم لئسانهم ) صححه الألباني

♥ الإسلام كرمك كـ " أم " لدرجة إن النبي ﷺ يوصي بيكي ويقول : ( أمك ثم أمك ثم أمك ) !!..

♥ الإسلام كرمك كـ " أم " لدرجة إن النبي ﷺ يقول : ( إزم رجلها فثم الجنة ) صححه الألباني  
« الجنة تحت رجليكي ! فيه تكريم أكثر من كده؟! »



﴿ وبعد ما شوفتي الكلام الشنييع اللي فات ده ، وشوفتي تكريم الإسلام ليكي يا غالية ، يا ترى ..

**حسيتي بقيمتك كـ "مُسلمة" ولا لسه ؟**

✓ إنتي جوهرة غالية .. وعلشان كده ربنا أمرك بالحجاب والستر علشان يحفظك ويصونك ..

✓ إنتي لؤلؤة جميلة .. وعلشان كده ربنا أمرك بعدم الخضوع في القول وعدم الكلام مع الرجال إلا للضرورة علشان تفضلي غالية ..

« في بلاد الغرب وأوربا ، المرأة عندهم سلعة رخيصة أوي .. قيمتها في العري والشهوة وبس ! وإنتي بعد كل التكريم ده .. ليه رصيتي تبقي سلعة مكشوفة الكل يبيع فيها ويشترى !

« ليه بترخصي نفسك يا أختي ؟؟؟؟

**ليه اللي يستاهل علشان تعملي كده ؟؟؟؟**



### ٦- وعند اليهود قالوا عنها :

أنها لعنة لأنها سبب الغواية ، ويجوز لأبيها بيعها !

### ٧- وعند النصارى :

عقد الفرنسيون في عام ٥٨٦م مؤتمراً يبحثوا فيه : هل تعد المرأة إنساناً أم غير إنسان؟! وهل لها روح أم ليست لها روح؟! وإذا كانت لها روح ، فهل هي روح حيوانية أم روح إنسانية؟؟!

وأخيراً : قرروا أنها إنسان ، ولكنها خلقت لخدمة الرجل فحسب ! وأصدر البرلمان الإنجليزي قراراً في عصر هنري الثامن ملك إنجلترا يحظر على المرأة أن تقرأ الإنجيل ؛ لأنها تعتبر نجسة ! وعند ولادة المرأة تقول الكنيسة دعهن يتألمن وهيا نساعد الرب في الإنتقام منهن !!

### ٨- وعند العرب قبل الإسلام :

كانوا يكهون المرأة مثل كره الموت ، بل يؤدي الحال إلى وأدأها أي دفنها حية ، أو قذفها في بئر بصورة تذيب القلوب الميتة !!




«أنا إنهاردة هكلمك عن موضوع ثاني ،  
يهم كل بنت صغيرة أو كبيرة ؛ هتكلم معاك عن:

## ♥ :: الحب :: ♥

« هنتكلم على أساس ديني وعقلي .. وهنكي  
قصص واقعية .. هنتكلم بكل هدوء ، وهنحاول نرد  
على معظم الأسئلة اللي بتدور في تفكير البنات  
واللي بتجيلي من خلال الإتصالات أو على النت..

وهنحاول نفهمها  علشان نعيشها  ..



## هو ده شكر ربنا على نعمة الإسلام؟؟؟

➔ شكر النعمة إنك تمشي على الموضة وتخرجي  
بليس ضيق وترجعي تقولي أنا بحب ربنا ؟؟؟؟!!!!  
➔ شكر النعمة إنك تكلمي ده وتخرجي مع ده  
وتتصاحبي مع ده وتقولي أنا محترمة ؟؟؟؟!!!!  
➔ شكر النعمة إنك تفرطي في الصلاة وتهجري  
القرآن وتبعدي عن سنة حبيبك النبي ﷺ ؟؟؟؟!!!!

## بالله عليك فوقي بقى يا مسلمة يا غالية

► فين حجابك الصح اللي ربنا أمرك بيه وأكرمك  
بانه جعله فرض عليك ؟؟؟ الحجاب اللي يستر  
بجد مش يزين البنات أكثر في عيون الشباب !!  
أنا مش هتطرق للكلام عن الحجاب لأنني اتكلمت  
عنه باستفاضة في كتاب ( للبنات وبس ) وعرفتك  
قد إيه خطورة اللبس اللي إنتي مستهتره بيه  
وبتقولي أنا حرة ألبس زي ما أنا عايزة ومحدش له  
دعوة بيا!! ووضحتك يعني إيه الكاسيات العاريات  
اللي لابسها ضيق ( بناطيل وبديها وفيسات  
وجينز ) مبين جسمها كله ؛ فكأنها مش لابسة !!  
والنبي ﷺ قال على البنات دول إنهم "ملعونات" !



► هتقولي:

## هو فيه حب حلال و حب حرام ؟؟؟؟

« هقولك :

أه طبعاً .. فيه حب حلال و حب حرام ..

« الحب الحلال زي أعظم حب في الوجود ؛  
حب الله ، ربنا حبيبنا اللي خلقنا وأنعم علينا بنعم  
ملهاش عدد ولا حصر .. وكذلك حب النبي ﷺ ..  
اللي ربنا أرسله رحمة لينا علشان ينقذنا من النار  
ويكون شفيعنا يوم الدين ..

♥ ومن صور الحب الحلال أيضاً : حب الزوج  
لزوجته، وحب الزوجة لزوجها ، وحب الإبن لأمه  
وأبوه ، وحب المسلم لأخوه المسلم ، والمسلمة  
لأختها المسلمة ، وحب الصالحين والأخيار ..

✓ كل ده حب حلال .. والإنسان لو طيَّه وأخذ فيه  
النية ؛ هياخذ عليه ثواب كبير جداً بإذن الله ..



## هو الحب حرام ؟؟

« أول ما تقعد في أي مكان وتيجي سيرة الحب ؛  
تلاقي الشباب كلهم بيسألوا:

هو الحب حرام ؟؟؟؟

وتلاقي بنت بتسأل وتقول:

أنا سمعت إن الحب في الإسلام جريمة !!

هل الكلام ده صح ؟؟؟؟!

هقولك يا أختي :

مين قال كده ؟ مين قال إن الإسلام بيجرّم الحب ؟؟  
بالعكس تماماً .. ده اللي الكل لازم يعرفه إن :

♥ الإسلام دين الحب ♥

بس الحب الحلال حلال .. والحب الحرام حرام !





► عن أنس ؓ أن رجلاً سأل النبي ﷺ : متى الساعة ؟ قال ﷺ : وما أعددت لها ؟؟ قال الرجل : لا شيء ؛ إلا أني أحب الله ورسوله ! قال ﷺ : أنت مع من أحببت ، قال أنس راوي الحديث : فما فرحنا بشيء فرحنا بقول النبي ﷺ أنت مع من أحببت ، فانا أحب النبي ﷺ وأبا بكر وعمر وأرجو أن أكون معهم بحبي إياهم ) متفق عليه

♥ ده إيه العظمة دي كلها !! سبحان الله .. الحب الحلال في الإسلام حاجة فوق الوصف بجد!



### ► هتقولي :

جميل جداً.. ده الحب الحلال وعرفناه ..

**إيه هو بقى الحب الحرام ؟؟؟؟؟**

### ◀ هقولك :

**الحب الحرام** هو الحب القائم على علاقات غير شرعية ، زي الحب اللي بنشوفه دلوقتي بين الشباب والبنات في المدارس والجامعات وعلى النت ، بدون أي علاقة شرعية !



﴿ بل منزلة الحب في الإسلام وصلت لدرجة إن النبي ﷺ قال إننا مش هندخل الجنة غير لما نحب بعض .. قال ﷺ :

(والذي نفسي بيده لا تدخلوا الجنة حتى تؤمنوا

**ولا تؤمنوا حتى تحابوا)** رواه مسلم

﴿ بل الأعجب من كده إن النبي ﷺ أخبرنا إن الإنسان هيتحشر يوم القيامة مع اللي بيحبه فقال : (المرء مع من أحب يوم القيامة) حسنه الألباني

**اللي بيحب المغنيين والممثلين هيتحشر معاهم !  
واللي بيحب الأتقياء والصالحين هيتحشر معاهم !**

### ► هتقولي :

**طيب إفرض إنه ماعملش أعمال صالحة  
تبلغه منزلة إنه يكون مع الصالحين ؟؟**

### ◀ هقولك :

برده هيكون معاهم ولو أعماله كانت بسيطة ! وده بفضل ربنا ورحمته وكرمه .. شوفي الحديث ده ◀



◀ وقبل ما أكمل كلامي .. أنا عايزك وانتي بتقرأ الكتاب ده تركني قلبك على جنب شوية ،

**وتبدأي تفكري بعقلك ولو مرة !**

◀ إنتي يمكن تكوني قرأتي كتير قبل كده ، وعارفة إن علاقتك مع اللي بتحبيه حرام ، وهتقولي أنا عارفة الكلام اللي هتقوله كويس ؛ بس أنا برجوكي وبستحلفك بالله تكلمي قراءة ، وتفكري في الكلام كويس وتقليه في دماغك .. وإن شاء الله يكون الكتاب ده سبب في تغيير مجرى حياتك للأحسن بإذن الله ..



### ► هتقولي :

**يعني كل الشباب والبنات اللي بنشوفهم  
بيحبوا بعض دول حبهم حرام وعليه ذنوب ؟**

### ◀ هقولك :

**آه حرامم .. والمسألة مفیهاش خلاف !**

✕ وللأسف الشديد ؛ الشباب والبنات عمالين يضيعوا في عمرهم ويعصوا ربنا باسم "الحب" !

◀ أنا مقدر كويس وعارف قد إيه الشباب والبنات دول متعلقين ببعض ، وعارف إن الموضوع صعب..والفراق أصعب ! وخصوصاً على البنات ، الطرف الرقيق اللي بينجرح بسهولة جداً.....  
واللي في كل الحالات بتبقى هي الخاسر الوحيد !!  
علشان كده كان لازم نتكلم ونوعي البنات ونفوقهم قبل فوات الأوان ! قبل ما يخسروا كل شيء !!





### ► **وبنت تانية بتقول :**

أنا عندي مشكلة وعاززة أعرف رأيكم ، أنا فيه واحد معايا في الشغل لاحظت نظراته ليا ، وغصب عني بدأت أنا كمان أبادل النظرات ، وبدأت أفكر فيه وأتشد ليه وأحس إني بحبه ! أنا تعبانة جداً ومش عارفة أعمل إبيبييه ؟؟؟؟؟



تعددت الأسئلة والحكايات ،

والمشكلة واحدة !!

**والسؤال هو :**

**يا ترى فعلاً فيه حاجة اسمها حب من أول نظرة ؟**

☛ **هقولك :**

**مفيش حاجة اسمها حب من أول نظرة !**



### وعد العيون ( الحب من أول نظرة )

سمعنا كتير وقرينا كتير عن الحب من أول نظرة ، ومشاكل كتير بتجيلنا عن الموضوع ده ؛ ومنها :

#### ► **بنت بتسأل وتقول :**

أنا كنت فاكرة إن مفيش حاجة اسمها حب ؛ لغاية ما في يوم قابلت واحد، وف ثانية واحدة حالي إتغير! شوفته ومش عارفة إيه اللي حصل لي؟؟؟؟ قلبي قعد يدق يدق جامد .. وحسيت إن هو ده الشخص المناسب ليا .. حسيت إني أعرفه من زمان جداً جداً المناسب ليا .. حسيت إن مجرد إعجاب عادي و خلاص .. أنا مش عارفة هو بيبادلني نفس الشعور ولا لا؟؟ وخايفة أروح أصارحه بشعوري لأحسن أخسره ! و في نفس الوقت نفسى أروح أقوله إني بحبه؟؟ أنا تعبت من التفكير! هل أنا عايشة في وهم؟؟ ولا فعلاً الحب من أول نظرة حاجة حقيقية؟؟



### ◀ **شوفي الكلام ده :**

[ أكد فريق من الباحثين في جامعة فلوريدا الأميركية في أول تفسير علمي لظاهرة الإعجاب المفاجئ، أن هناك أشخاصا يتمتعون بجاذبية الوجوه والأشكال، بحيث يشدون أنظار الناس اليهم ويقعون في حبهم من أول نظرة .

وقد أرجع جون مينر الأستاذ المساعد في علم النفس في الجامعة - الذي أشرف على الدراسة المنشورة في مجلة Journal of Personality and Social Psychology السبب وراء هذا الإعجاب المفاجئ إلى أن هذا الأمر أشبه بجذب مغناطيسي إلا أنه يتم على المستوى البصري فقط !

كما شرح مينر أن الإعجاب يأتي على رأس قائمة التغيرات الكثيرة التي تطرأ على حياة الناس دون أن يشعروا بها ويسعون جاهدين لإيجاد التفسير العلمي الصحيح لها ، ومن بينها ما يعرف بالحب من أول نظرة . وتأتي هذه الحالة عادة عندما تقع العين على شخص ما ، فيعجب بإحدى صفاته [ .



### ► **وطبعا هنتردي عليا وتقولى :**

**إنت إزاي تقول كده؟ إنت إنسان عديم المشاعر ! إنت تفهم إيه في الحب علشان تحكم بالشكل ده ؟؟؟!!! إنت لو جربت يعني إيه حب من أول نظرة ، مكنتش قولت الكلام ده !!!**

#### ☛ **هقولك يا أختى :**

ده مش كلامي أنا بس ؛ ده كلام خبراء علماء النفس والأساتذة الدكاترة العرب والأجانب كمان !

☛ **علماء النفس يقولوا إن الحب من أول نظرة ده عبارة عن إحساس سريع عند الإنسان بالإنجذاب لشخص معين لم يسبق له لقاءه ..** يعني الموضوع عبارة عن إعجاب من أحد الطرفين أو كلاهما ، وإنجذابه له بشكل غير طبيعي نتيجة إعجابه بأحد صفاته ؛ زي المظهر ، القوام ، ملامح الوجه ، إبتسامته ، نظراته ، لون عينيه ، طريقة كلامه ، تصرفاته .. وهكذا ..





✓ يعني الموضوع إن ربنا سبحانه وتعالى خلقنا على وجود ميل فطري طبيعي بين الذكر والأنثى.. وفي ظل فترة المراهقة ؛ البنات بتبدأ تكبر وتتغير جسمانياً و عاطفياً ، ويبدأ قلبها ينبض بالفطرة .. وفي ظل البيئة والعصر اللي إحنا عايشين فيه والكم الرهيب من المسلسلات والأفلام والأغاني اللي بنتكلم عن الحب ومش وراهم غيره ، بتبدأ البنات ترسم في خيالها صورة لفارس أحلامها اللي هتعيش معاه قصة الحب المنتظرة، وتتخيل نفسها إنها بطلة كل فيلم شافته وكل أغنية سمعتها ، وفي ظل وجود الفراغ العاطفي الرهيبيiiiiiiiiiiiiiiiiiiiiiiiiiiiii ، بتبقى نفسها إن أي حد يملأ الفراغ ده ، نفسها حد يهتم بيها ويحسسها بأنوثتها ، إلى جانب ظروف الاكتئاب اللي بتبقى البنات عايشاها في البيت ومشاكله، والمذاكرة وهمومها ، وإخواتها .. إلخ ..

◀ ف أول ما البنات بتقابل شخص تحس فيه جزء من الصورة اللي رسمتها في خيالها ؛ بتبدأ تلقائياً تتجذب ليه بكل مشاعر وأحاسيسها !



### ▶ هتقولى :


**أنا لسه برده مش مقتنعة !**

### ◀ هقولك :

جاوبي على السؤال ده علشان تتأكدي إنك إنجذبتى له واتعلقتي بيه على مستوى البصر ؛

◀ إزاي الواحد يحب حد ميعرفوش؟؟

▶ مش لازم الأول يعرف شخصيته وأخلاقه وعاداته .. مش هي دي الحاجات اللي بنتحب؟؟  
وده اللي بتكتشفيه فعلاً بعد فترة لو بدأت علاقة ما بينكم .. بتحسي إن فيه حاجة غلط؟؟ هو أنا حبيته ليه؟؟ مش ده الشخص اللي أنا كنت عايزاه !!  
◀ وعلشان كده ، معظم علاقات الحب من أول نظرة إن لم يكن كلها بتنتهي بالفشل !



والبنات بتفضل عايشة الحلم أو بمعنى أدق (الوهم) لحد ما تتخطب وييجي حد يملأ الفراغ العاطفي اللي عندها أو تعقل وتتضح وتفوق !

### ▶ هتقولى :

**ده مش وهم !!**

### ◀ هقولك :

**ومين قال إن الوهم بيبقى وهم فى قلب صاحبه????!**

◀◀ الوهم شىء مش حقيقى ؛ لكنه حقيقى وواقع عند اللى مُصاب بيه .. زي السراب .. الإنسان العطشان لما بيبقى ماشى في الصحراء ؛ بيشوف وكأن فيه مياه قدامه .. وبيبقى متأكد وشايف إنها واقع وحقيقة .. ولكنها فعلياً " وهم " !

◀◀ وده نفس اللي بيحصل مع البنات اللي نفسها تحب وتتحب و ( عطشانة عاطفياً ) !



### ◀◀ شوفى الكلام ده كمان :

الكاتب الأمريكى (أريك جودمان) قال بعد إجراء بحث ميداني على مجموعة كبيرة من الشباب من الجنسين في المدارس الثانوية وبداية المرحلة الجامعية في نيويورك أن الانطباع القوي الناجم عن اللقاء الأول بين الفتاة والشاب والذي يطلق عليه الكثيرون اسم الحب من أول نظرة ، يكون خداعاً في أغلب الأحوال !!

◀◀ ويستكمل (جودمان) كلامه ويقول :

[ فقد يكون هذا الإحساس ناجماً عن ولع أحدهما بفكرة الحب نفسها أو لأن أحدهما حاول تجسيد صورة أو صفات المحبوب الموجودة في الخيال عند الآخر، ثم يتكشف له في المستقبل أن الخيال مخالف للواقع ، كما أن الإعجاب القائم على الشكل الخارجي وليس الجوهر الداخلي سرعان ما يتلاشى !! ]



« وانتي لو بتغضي بصرك من الأول مكنتش المشكلة اتوجدت من الأصل ومكنش قلبك اتعلق بيه .. وعلشان كده غض البصر أهم حل لمنع وعلاج مشكلة الحب من اول نظرة !!

« ولو متعلقة بيه ومش قادرة تنسيه ، إن شاء الله في آخر الكتاب هنقول الخطوات العملية للنسيان والتغلب على مشاكل الحب ..



► **هنقولى :**

**طيب الحل إيه ؟؟؟؟؟؟؟؟؟؟؟؟؟؟؟؟؟**

◀ **هنقولك :**

الحل إنك بعد ما عرفتي حقيقة الحب من أول نظرة ؛ لاااa

**لحد امتى هتفضلي معلقة قلبك بيه ؟؟**

**لحد امتى هتفضلي تبصيله ويبصلك !؟؟؟**

**ليه مش عايزة نلتزمي بأمرنا اللي أمرنا**

**جميعاً ولاد وبنات بغض البصر ..**

قال تعالى :

( قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ أَزْكَى لَهُمْ إِنَّ اللَّهَ خَبِيرٌ بِمَا يَصْعُقُونَ ﴿٢٤﴾ وَقُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ وَيَحْفَظْنَ فُرُوجَهُنَّ وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا ) النور:٣٠-٣١



► **وتلاقي البنات في المدارس** بيتفاخروا إن البنات فلانة بتحب فلان وفلانة دي حبيبها فلان ، وكل واحدة عايزة توري حبيبها لصاحباتها وتغيظهم !!

► **وفي الجامعة** تلاقي البنات يقولوا فلانة معلقة فلان ، والولد ده بتاع فلانة ! وفلانة لازقة لفلان على طول ! وفلان وفلانة لايقين على بعض..الخ!

✕ **والبنات دلوقتي بقوا على إعتقاد إن البنات اللي ملهاش حبيب تبقى :**

**معددة ومتخلفة ومكبوتة**

**أو فيها عيب ومحدث راضي ببصلها !!**

«لدرجة إن أي بنت محترمة وصاينة نفسها ومش عايزة تغضب ربها ، بقت تايهة من اللي بتشوفه وبتسمعه ، ومش عارفة هي صح ولا غلط !؟؟؟»



## الحب وسنينه !!

♥ **الشباب والبنات** اليومين دول بقوا ماشيين في الشوارع وقاعدين على النت يحبوا على نفسهم ! والدني بقت وردى x وردى ، وبقت القلوب فى كل مكان ، على الكشاكيل والميداليات والكروت والشنط والسلاسل !!! وكلمة "حبك" بقت على لسان كل شاب وكل بنت!

« ومش محتاج أوصفلك المناظر اللي بتشوفها قدامنا في كل مكان ، ادخل أي كلية أو اقف قدام أي مدرسة أو روح اقعد في أي جنينة أو اتمشى شوية على الكورنيش ، وانت تلاقي ( الحبيبة ) اللي بيسموهم (couples) في كل مكان دلوقتي !

► **الموضوع إنتشر** بين الأولاد والبنات بشكل رهيبيبيب ، ونادراً ما تلاقي بنت أو ولد دلوقتي مش عايشين الدور في قصة حب !





سبحان الله !!

### إحنا بقينا في زمن إنتكاس الفطرة خلاص..!!

✘ **إنتكاس الفطرة ..** لما تلاقي الأب شايف بنته ماشية مع فلان ويتخرج مع فلان ويتكلم فلان وهو اللي بيديها المصروف وهي خارجة!!!!

✘ **إنتكاس الفطرة ..** لما تلاقي الأخ هو اللي بيعرف أخته على أصحابه الولاد ويسمحلها إنها تكلم ده وتهزر مع ده وتشيت مع ده !!!

✘ **إنتكاس الفطرة ..** لما تلاقي الأم هي اللي بتقول للبننت لازم تصاحبني وتحبي علشان تعلقي عريس في زمن العنوسة وإلا مش هنتجوزي!!!!

✘ **حاجة صعبة جدا!!!!!!** ... ولكنها أصبحت في نظر الناس هينة والأمر أصبح عادي جدا!!!!!! .. وخليك "كوووول" ومتعدهاش بقى يا عم الحاج !



✎ لو جينا نبص للموضوع من كذا جانب ..

وهنتكلم الأول عن الأسباب :

« وزي ما قولنا قبل كده إن ربنا خلقنا على وجود ميل فطري طبيعي بين الولد والبنت .. مع وجود الإعلام الفاسد اللي مش وراه غير قصص الحب في الأفلام والمسلسلات والأغاني اللي الشباب والبنات حفظوها زي اسمهم خلاص !!

« مع وجود الفراغ العاطفي والفكري الرهيب عند الشباب والبنات ، مع الإهمال الشديد من الأهل في رعاية الأبناء وعدم إحتوائهم والسماع لمشاكلهم والإحساس بيهم ..

« بل الإهمال والتساهل ده بيوصل لمرحلة إن بعض الآباء والأمهات هما اللي بيشجعوا الولاد والبنات على العلاقات دي !!!!



► **وبنات تقول :**

**أنا بحبه حب غير عادي وهو كمان ييموت فيا  
إحنا حبنا غير أي حب تاني !!**

« وهي دي الكلمة اللي بيتغيب الواحد أووي ..

### ( حبنا غير أي حب تاني )

☛ يعني إيه حبكم غير أي حب تاني ؟؟؟؟؟؟

حب جاي من المريخ يعني ؟؟؟

يعني إيه الكلمة دي ؟؟ عايزك ترددي عليا ؟؟؟؟

► **هتقولى :**

مش عارفة .. بس ده إحساس .. !! وأنا إحساسي مبيخبيش أبداً !!! وإحنا بنحب بعض بجد ؛ الحب الحقيقي اللي هو بيعيش يا حبيبي ! وهو واعدي بالجواز وإننا مش هنفترق أبداً مهما حصل ! وأنا بحس وأنا قاعدة مع حبيبي إنني في دنيا تانية !! أنا مش بقدر على فراقه ولو لثانية واحدة !! أنا حياتي من غيره ملهش طعم !!



« وجود الأسباب دي وغيرها في حياة أي بنت مع نقص الإيمان والدين لازم يدفعها إنها تدخل في علاقة أو علاقات مع الشباب وتحب وتخرج وتقابل...!!

✎ ولما تيجي تسألها :

**يا بنتي ليه بتعملي كده في نفسك ؟؟**

**ليه ترخصي نفسك للدرجة دي ؟؟؟**

► **تقولك :**

**ما هو كل البنات بتحب .. إشمعنى أنا ؟؟؟**





## ◀ هو ده الحب في نظرك؟؟؟

« هتقولى: فيه اللي وصلك المعنى ده؟؟؟؟»

➔ الأفلام والمسلسلات والأغاني وقصص الحب وروايات الغرام؟؟؟

➔ هو كلام الأفلام والمسلسلات والأغاني كلام مقدّس بناخد منه أحكامنا وبنبنى عليه حياتنا!!!!

➔ فووووووووتقى بقى!!..!

## ده لو يبحبك بجد كان خاف عليك!

« هتقولى:»

**ده بيخاف عليا من النسمة الطائرة!!!**

« هتقولك:»

**كذب x كذب و تمثيل x تمثيل!**

« لو بيخاف عليك بجد كان خاف عليكى من **نار جهنم** اللي بيحطك فيها بإيديه بكل مكاملة بيكلمها لك ، وكل وقفة بيقف فيها معاكي ، وكل مرة بيمسك فيها إيدك !



« هتقولك:»

## **وهو انتي عارفة يعني ايه حب الأول؟؟**

علشان تحكمني إن ده حب حقيقي والكلام ده كله؟؟

⊗ **هو الحب** إنه يقعد باله ٥ والـ ٦ ساعات يقولك كلام حلو يخليكي طائرة في السما؟؟؟

⊗ **هو الحب** إنكم تخرجوا مع بعض ويمسك إيدك وتدخلوا سينيما وتتمشوا على الكورنيش؟؟؟

⊗ **هو الحب** إنه يجيبك قلب أحمر وديدوب أحمر وبوكيه ورد أحمر يوم الفالنتين؟؟؟

⊗ **هو الحب** إنه يرنك ٦٠ مرة في الدقيقة ومينامش قبل ما يسمع صوتك وأول ما يصحى بيعتلك مسدج يقولك صباح الفل يا روحي!

## ◀ هو ده الحب؟؟؟؟؟




## « ياااااااااااااه لو نغفلوا إحساس البنت في الموقف ده!!

« إحساس فظييع بالمررارة.. إحساس إنها لا شيء ولا تساوى أي شيء عند أقرب الناس إليها .. عند الشاب اللي كانت مفكرة إنها كل حياته وإنه كل حياتها !!! إحساس بانها رخيبيبيبيبيصة أووووي !! ونظرة الدكتورة ليها خليتها تشعر بأن مفيش شيء في الدنيا يستاهل .. ليه تعملي كده في نفسك!؟؟

◀ **في اللحظة دي .. البنت اتجرح جرح صعب إنه يلتئم ، وبصت لحبيبيها وقالتله :**

**إنت متعرفش أنا بستحق نفسي إزاي دلوقتي !! وسابته ومشيت !**



« لو بيخاف عليكى بجد ..

## **كان على الأقل خاف عليكى**

### **زي ما بيخاف على أخته!!!**

- أصل حبيبك ده لو شاف أخته بتكلم ولد أو ماشية مع ولد ممكن يقتلها ! ومع ذلك بيكلمك ويخرج معاكي وبيطلب منك إنه يلمسك و..... و.....!

« **أحد زميلنا بيحكى ويقول :**

كان فيه شاب قاعد مع بنت في الكلية .. وطبعاً كانوا قاعدين وعابشين الدور .. وعدت دكتورة جامعة من قدامهم ... فظطرت لهم الدكتورة .. ووقفت قدامهم ، وقالت للشاب :

أستحلفك بالله ، لو البنت دي أختك .. ترضى إنك تشوفها قاعدة القاعدة دي مع أي ولد؟؟؟؟

الشاب اتخض من السؤال وبدأ يفكر هيقول إيه؟؟ والبنت اللي معاه قاعدة منتظرة إنه يرد على الدكتورة ويثأر لكرامتها ويبينلها صدق حبه لها ، رد الشاب وقال للدكتورة بكل ثقة ووضوح :

◀ **طبعاً لأ .. بكل صراحة مرضاش إن أختي**

**تكون في الموقف ده !**



➔ بعد ده كله لسه هتقولي برده بحبه؟؟

« طيب هسالك شوية أسئلة وعايز إجابة صريحة منك :

◀ يا ترى لو النبي ﷺ دخل عليكي وإنتي بتكلميه، هترضي تكلمي كلامك معاه وتقولي للنبي بكل فخر ده حبيبي يا رسول الله مش حد غريب!!؟

◀ يا ترى لو النبي ﷺ شافك وإنتي واقفه معاه هتجري عليه وتقوليله يا رسول الله تعالى أما أعرفك على الشاب اللي أنا بحبه!!؟

◀ يا ترى كل كلمة بتقوليهاله وكل نظرة بتنظرها له بيكتبها ملك الحسنات ولا ملك السيئات!!؟

◀ يا ترى لو ملك الموت قبض روحك وإنتي قاعدة معاه أو بتكلميه في التلفون أو على النت ، يا ترى دي هتكون حسن خاتمة ولا سوء خاتمة ؟

????????????????????

لسه برده مش عايزه تسيبيه؟؟



« يا أختي .. والله العظيم الشاب اللي إنتي بتحبيه ده وفكره إنه بيحبك ومستعد يضحي بالذنيا علشانك هيتبرأ منك ويهرب منك يوم القيامة !!..

قال الله تعالى :

(إِذْ تَبَرَّأَ الَّذِينَ اتَّبَعُوا مِنَ الَّذِينَ اتَّبَعُوا  
وَرَأَوْا الْعَذَابَ وَتَقَطَّعَتْ بِهِمُ الْأَسْبَابُ)

البقرة: ١٦٦

➔ اللي بتحبيه ده هتتحايلى عليه يديكي حسنة واحدة يوم القيامة مش هيرضى !  
هتتحايلى عليه يشيل عنك سيئة مش هيرضى !

⊠ راح فين الحب اللي بينهم؟؟؟



« خلي بالك .. »

➔ إنتي كده لو بتصلي وبتصومي وبتتصدقني ولكن بتكلميه من ورا الناس ، بتعرضي نفسك إن حسناتك كلها تتنسف يوم القيامة ويبقى :

**رصيذك من الحسنات = صفر**

« عن ثوبان رضي الله عنه عن النبي ﷺ أنه قال: [ لأعلمن أقواماً من أمتي يأتون يوم القيامة بأعمال أمثال جبال تهامة بيضاء ، فيجعلها الله هباءً منثوراً ، قال ثوبان يا رسول الله : صفهم لنا حتى لا نكون منهم ونحن لا نعلم ؟ قال ﷺ : أما إنهم إخوانكم ومن جلدتكم ، وأخذون من الليل كما تأخذون ؛ ولكنهم قوم إذا خلوا بحارم الله إنتهكوها ] مسند الأئمة

« إنني عارفة الكلام ده يعني إيه؟؟



◀ مش لما بتكلميه بتبقى موطية صوتك وخايفة لآحسن حد يسمعك!!!؟؟؟

◀ مش لما بتيجي تنزلي تقابليه بتبقي بتستخبي لآحسن حد يشوفك من أهلك أو قرايبك!!!؟؟

➔ يعني إنتي كده من اللي ربنا قال عنهم :

( يَسْتَخْفُونَ مِنَ النَّاسِ وَلَا يَسْتَخْفُونَ مِنَ اللَّهِ وَهُوَ مَعَهُمْ إِذْ يُبَيِّتُونَ مَا لَا يَرَى مِنْ أَلْقَوْلِ وَكَانَ اللَّهُ بِمَا يَعْمَلُونَ مُحِيطًا )

النساء: ١٠٨

➔ بنخافي من الناس ونستخفي منهم ،

و ربنا أحق إنك تخافي منه ونثقيه ونخشيه !

« صحيح محدش شافك ؛ بس ربنا هو الخبير البصير ..

« صحيح محدش سامعك ؛ لكن ربنا هو السميع العليم ..



► **هتقولي :**

**بس أنا مش بكلمه من ورا أهلى ..  
أنا قولت لماما وهي عارفة كل اللي بيحصل  
بيننا وموافقة إنى أخرج معاها وأتكلم معاها !  
هقولك :**

كون إن مامتك عارفة وموافقة وراضية مش مبرر  
إن العلاقة دي صح وتمام !

« أهه شئ ريتا راضي عن ده ولا لا؟؟»

◀ **طبعاً لا ..**

• وحتى لو كانوا أهلك عارفين ، فهما مُجبرين  
على كده لإنك نقطة ضعفهم .. حبهم ليكي طغي  
على كسرة قلبهم عليكى ! فاكرين إنهم بكده  
بيسعدوكي مادام شايفينك سعيدة ظاهرياً !!!

« لكن الفطرة بتقول إن كل أب وأم بيتنموا إن  
بتنهم تعيش حياة زوجية شرعية يفخروا بيها قدام  
الكل !



◀ يعنى إنتي واقفة يوم القيامة وبتتظري في  
أعمالك ، لقيتي عندك جبال حسانات .. وحسانات  
بيضاء كمان .. صلاة على صيام على صدقة على  
بر والدين على عطف على الفقراء والأيتام  
والمساكين .. جبال حسانات .. حسانات ..  
وإنتي واقفة بعد ما شوفتي حساناتك وتأكدتي إنك  
برحمة ربنا هتدخلني الجنة .. تلاقي ربنا بيقول :

( وَقَدِمْنَا إِلَىٰ مَا عَمِلُوا مِنَّ عَمَلٍ فَجَعَلْنَاهُ

هَبَاءً مَّنشُورًا ) الفرقان: ٢٣

◀ **فبيبيبيبي الحسانات؟؟؟؟!!**

**كله رايح .. مفيش ولا حسنة واحدة !!**

◀ **ليبيبيبيبيبي كده ؟؟؟؟؟**

ده أنا كنت بصلي وأصوم وأقرأ قرآن !!!

◀ لأنهم ( إذا خلوا بمحارم الله إنتهكوها )

**خافي على حساناتك يا أختي !**



► **هتقولي :**

**بس ربنا رب قلوب وأنا قلبي أبيض  
وإحساسي بيقولي إن علاقتنا دي مش غلط !  
هقولك :**

**هو الحلال والحرام بقى بالأحاسيس اليوميين دول؟**

◀ وبعدين ربنا رب قلوب آه .. بس تعالي نكمل  
الحديث مع بعض .. قال رسول الله ﷺ :

( إن الله تعالي لا ينظر إلى صوركم وأموالكم  
ولكن إنما ينظر إلى قلوبكم وأعمالكم ) رواه مسلم

◀ يعني ربنا رب قلوب و أعمال في نفس الوقت ..  
واللي قلبه أبيض وزى الفل ، أكيد ده هينعكس  
على أعماله ومش هبعصي ربنا .. صح ولا لا؟؟

أصل .. ممكن يبقى واحد مظهره ملتزم ، لكن  
باطنه غير كده ، المنافقين كانوا كده ..

إنما ماينفعش يبقى واحد باطنه كويس وظاهره  
وحش ! لأن الباطن لما بيبقى كويس ببيان على  
الظاهر ، وزى ما العرب بيقولوا في المثل :

**" كلُّ إناءٍ ينضح بما فيه "**



◀ ده غير إن إنتي بخروجك معاها أو وقفتك معاها  
في أي مكان ، بتجاهري بالذنب قدام الناس !!!  
والنبي ﷺ بيقول : ( كل أمتى معافى إلا المجاهرون )

◀ ده غير إن إنتي بخروجك معاها بتفتني الشباب  
والبنات الغلابة في دينهم ! وربنا بيقول :

( إِنَّ الَّذِينَ فَتَنُوا الْمُؤْمِنِينَ وَالْمُؤْمِنَاتِ ثُمَّ لَمْ  
يَتُوبُوا فَلَهُمْ عَذَابٌ جَهَنَّمَ وَهُمْ عَذَابُ الْحَرِيقِ )

◌ بعد كل اللي قرأتيه ده ،

**لسه برده مش عايزة تخافي على نفسك؟؟**





► **هتقولى :**

**بس إحنا والله كلامنا كله محترم  
وعمرنا ما اتكلمنا في حاجة خارجة أبدًا!!!!!!**

► **هقولك :**

حتى لو بنتكلموا في السياسة .. حتى لو بنتكلموا  
في الكورة ؛ أي كلام بينكم **حرام شرعاً!**

► **وعلى فكرة ..** النقطة دي من أكبر المداخل  
اللي الشيطان بيدخل للبنات منها .. والكلام في  
الأول ببدا محترم .. وممكن يفضل محترم سنين..

► **بس لازم هيجي اليوم وهيتطور!!!**



► **وتعالى شوفي الحديث ده كمان علشان تعرفي  
قلبك أبيض ولا لونه إيه بالظبط؟؟**

«قال رسول الله ﷺ: ( تعرض الفتن على القلوب  
كعرض الحصير عوداً عوداً ، فأبي قلب أشربها  
نكتت فيه **نكتة سوداء**، وأي قلب أنكرها نكتت فيه  
**نكتة بيضاء**؛ حتى يصير القلب أبيض مثل الصفا لا  
تضره فتنة ما دامت السموات والأرض ، والآخر  
أسوداً مريبداً كالكوز مجخياً لا يعرف معروفأ ولا  
يُنكر مُنكراً إلا ما أشرب من هواه ) صححه الألباني

مريبداً : يعني بياض قد خالطه سواد ..

مجخياً : يعني مقلوباً منكوساً..

◀ **يعني إيه الكلام اللي في الحديث ده؟؟؟**

◀ يعني كل كلمة بينك وبينك الشاب اللي بتحبينه  
نقطة سودا على قلبك .. كل نظرة بينكم نقطة  
سودا على قلبك .. كل (ميسد) .. كل (مسدج) ..  
كل مسكة إيد .. كل ده **نقط سودا على قلبك ..**

► **يا نرى قلبك بقى شكله عامل إزاي**

**دلوقتي بعد كل السواد ده ♥؟؟؟**



► **هتقولى :**

**بس أنا عايزة أتجوز واحد أكون بحبه  
ويحبني ..مش عايزة أتجوز جواز تقليدي!!!**

► **هقولك :**

الحب والزواج المفروض إنهم وجهين لعملة واحدة  
لكن حالياً بقوا في ذهن الناس حاجتين متناقضتين !  
وتقسيمه الجواز المشهورة جواز تقليدي وجواز  
عن حب ؛ **التقسيمه دي نفسها غلط !**

الزواج التقليدي اسمه الحقيقي (الزواج الشرعي)  
والتسمية بالصالونات والتقليدي من باب التنفير !!  
وبما إنه بيتحط ضد الجواز اللي عن حب ؛ فاللي  
بيجي في دماغ الناس إن ده أكيد جواز عن كره !!

► **مين قال كده؟؟؟**

◀ ده على إعتبار إن اللي متعرفش اللي هتتجوزه  
قبل الجواز ويكون في بينهم علاقة هيبقى جوازها  
تعيس ومفيهوش حب !!!



► **هتقولى :**

**بس أنا أعرف بنات لابسين خمار وإسدال  
ومنتقبات ويكلموا ولاد ويخرجوا معاهم !**

► **هقولك :**

وايه يعني؟؟؟ الأشخاص مش حجة على الدين !

**الدين هو اللي حجة على الأشخاص !**

☒ هو أنا لو لقيت واحد شيخ بيشر ب خمر ، معنى  
ده إنني أروح أشرب أنا كمان ؟؟؟؟!!!!!!!!!!!!!!







► **هتقولى :**

**بس أنا بتضايق وبחס في موضوع الجواز التقليدي ده إني سلعة !**

◀ **هقولك :**

غريب جداً!!!!!!!!!!!!!!!!!!!!!!!!!!!!!! التفكير ده !

⊗ **هي مين اللي سلعة ؟؟؟؟**

◀ البننت اللي بتطبع ربتها وقاعدة معززة مكرمة فى بيتها واللي عايزها يجيلها لحد عندها ومتدخلش أي حد إلا بمواصفات ولو رضيت بيه وافقت ، ولو مرضيتش رفضت ؟؟؟؟؟؟؟؟؟!!!!!!

◀ ولا البننت اللي بترخص نفسها لده مرة ولده مرة وتفرط فى مشاعرها وبتقبل تحب وتتكلم وتخرج وتتللمس ؟؟؟؟؟؟؟؟؟!!!!!!

◀ **للأسف ؛ المشكلة إننا إتبرمجنا غلط !!!**

**وبقينا بنقتنع بكل الأراء إلا الدين !!!**

- وهناقى ده عامل مشترك فى كل المشاكل !  
فمن كتر ما الإعلام والأغاني والقصص إتكلمت عن الحب والجواز ، إتبرمجنا بمعلومات غلط !!



◀ **لو تاملنا فى الجواز اللي بيسموه تقليدي اللي هو بيتيم فى حدود الشرع وبدون ما نغضب ربنا ؛ هنلاقىه بيحافظ على قلب البننت أكثر ..**

◀ كام مشكلة حصلت لإن البننت اكتشفت إن الشخص اللي اتعلقت بيه مرتبط ! أو مستواه البيت بتاعها هيرفضه ، أو أفكاره طلعت مش ماشية معها ، أو تحصل مشكلة ويسببوا بعض لأى سبب أو حتى إتقدم لكن الأهل موافقوش أو حصل إختلاف فى الماديات ، أو..... أو .....

**ونتهى القصة وينتهي قلب البننت معها !!**

◀ **مش هنقول مفيش خطوبات بتتفسخ ، لآ طبعاً** ولكن الفكرة نسبة وتناسب ، أكيد الوضع الأول أكثر حفاظاً على قلب البننت وكرامتها ، **ويكفى إن ده الحلال اللي ربنا إرتضاه ليكى ، وربنا اللي خلقك مش هيرضى ليكى إلا بأفضل شىء ..**



◀ لا!!!!!!!!!!!!!! ازم تعرفى .. **إن كل ذنب له عقوبة ..**

العقوبة دي ممكن تكون إبتلاء دنيوي فربنا يكفر بيه الذنب ، أو عذاب فى الآخرة عياداً بالله !!  
أو تنوبي **بصدق** فربنا يغفر الذنب ويبدله حسناً أو ربنا يعفو عنك ويغفرلك ..

**والصدق ده مش لعبة ،،**

◀ **يعنى مش تقولى خلاص ، أول يوم بعد الجواز أتوب عن اللي فات بحيث متعاقبش والموضوع خلص خلاص ؟؟؟!**


⊗ **إنتي هتضحكي على مين ؟؟؟**

◀ **ده إنتي بتتعامل مع ربنا اللي يملك قلبك ويعلم ما فيه ، وعلاقة البننت بشاب قبل الجواز عبارة عن سلسلة ذنوب ، بداية من كلام الحب والنظرات ، مروراً بالتجاوزات الأكبر ، ونهاية بيوم الفرح وذنوبه .. ولازم الذنوب دي هيكون ليها أثر التعاسة والشقاء فى حياتك قبل وبعد الزواج !**



⊗ **وأصبح من المسلمات إن لازم تحصل قصة حب يا إما مع ابن الجيران يا إما مع زميلها فى الجامعة أو مع صاحب أخوها أو أخو صاحبها !!**  
◀ **حتى قصة الحب بقى مرسوم شكلها وطريقتها وكلماتها ، واللي مش حاسس بيها يحاول يعيش نفسه بالعافية و يعدّ النجوم حتى ملهوش نفس ، ويقطع الورد مع إنه ملهوش ذنب !!**

◀ **إتبرمجنا إن هي دي السعادة !! وإن هي دي الطريقة الصح ؛ مع إن الواقع مختلف ونسبة فشل الزواج اللي مسبوقة بقصة حب كبيرة جداً وبرده لسه مصرين إننا نكمل فى الطريق ده !**






﴿ شوفي وتامل في قول الله تعالى :

( أَمْ حَسِبَ الَّذِينَ اجْتَرَحُوا السَّيِّئَاتِ أَنْ نَجْعَلَهُمْ كَالَّذِينَ ءَامَنُوا وَعَمِلُوا الصَّالِحَاتِ سَوَاءً مَحْيَاهُمْ وَمَمَاتُهُمْ سَاءَ مَا يَحْكُمُونَ ) الجاثية :٢١

﴿ تفكري إنك حتى لو اتجوزتية هترتاحي لما تفكري إنك فى يوم من الأيام أغضبتى ربك ملك الملوك علشان ولد مخلوق ضعيف ؟؟؟!!

◀ **معتقدش أبداً إنك هتكونى مرتاحة !!**



﴿ هتقولى :

**بس أنا عارفة بنات كثير اتجوزا عن حب  
وعايشين سعداء ومبسوتين !**

﴿ هقولك :

**مين قال كده ؟؟؟**

**مين قالك إن اللي اتجوزوا كدة سعداء ...؟؟؟**

﴿ **ظاهرياً** ممكن آه يكونوا سعداء ؛ لكن أسرار البيوت لا يعلمها إلا الله .. ومحدش بيحب بيان ناقصه حاجة قدام الناس ..!!!!!!

﴿ **وعلشان تتأكدي إنهم مش سعداء ..** عايزك تجاوبى بنفسك وبكل صراحة على الأسئلة دي :

◀ **تفتكري إن اللي عصت ربنا علشان الجواز**

**ربنا هيباركها ويخليها سعيدة ???**

◀ **تفتكري ربنا هيساوكي بنت عمرها ما**

**صاحبت ولد ولا قالت لولد بحبك ???**

◀◀ **أكبييييييييد لأ .. مش هتساوى !**



﴿ هتقولى :

**بس أنا صبرت كتبيييييييييييييييييييييسبير ..  
وحاولت كثير إني مفضبش ربنا بس غصب  
عني برجع وأقع .. نفسي زي أي بنت أحب  
واتحب ! كل لما أروح فرح أو أشوف اتين  
ماسكين إيد بعض أو أصحابي يحكولي عن  
مغامرتهم مع اللي ييحبوهم ، قلبي  
يبضعف ويبقى هموت وحد يقولي كلمة  
حلوة .. نفسي اتجوز بقی علشان أرتاح !**

﴿ هقولك :

**ومين قالك إن اللي اتجوزوا إرتاحوا ؟؟؟؟؟؟؟  
إنتي عارفة هترتاحي إمتى ؟؟؟؟**

﴿ لما يكون قلبك راضى بقضاء ربنا وتكونى متأكدة إن ربنا أعلم باللي فيه الخير ليكي ويريد ليكي الخير فى جميع أحوالك ..  
♥ فوصيتي ليكي :

◀◀ **الصبر ثم الصبر ثم الصبر**



﴿ هتقولى :

**بس الصراحة أنا خايفة لو مكلمتش ولام  
ومحبيتش إني أعنس ومتجوزش !!!**

﴿ هقولك يا أختى :

الزواج قسمة ونصيب .. الزواج مقدر ومكتوب ..  
والنبي ﷺ يقول :  
( كتب الله مقادير الخلاق قبل أن يخلق السموات  
والأرض **بخمسين ألف سنة** ) رواه مسلم

**خايفة على رزقك ليه بقى ؟؟؟؟**

☑ لو ربنا كاتبلك الزواج هتتزوجى وزوجك  
هيجيك لحد عندك ولو كنتى فوق القمر !!

﴿ لااa









« ما تسارعي بالتوبة من دلوقتي؟؟  
مش يمكن الموت قرب !! أنا واثق إنك  
تعرفي ناس كثير ماتوا وهما لسه صغيرين  
في عز الشباب ! كان ممكن تكوني مكان  
أي حد فيهم في القبر دلوقتي ، صح !!!»

?

«إسمعي كلام ربك ، وحاولي تركزي وتعرفي  
إن كل حرف في القرآن إحنا مخاطبين به !

♥ والله العظيم مش هتلاقي السعادة إلا في  
طاعته !

♥ والله العظيم مش هتحسي بالأمان إلا في  
القرب منه !..

« وهتفضلي تايهة وضايعة ومحتارة وتعيسة  
وذليلة لو فضلتى بعيد عنه بالشكل ده !!



## مستنية إيه؟؟؟

« مستنية إيه علشان تتوبى؟؟ مصيبيبية كبيرة؟؟  
ولا فضيحة؟؟!! ولا عقاب من جنس العمل؟؟؟  
ولا مستنيه ربنا يتاليكي بمرض ليس له شفاء؟؟؟!  
مسمعتيش إن فيه ناس في كانت في عز شبابها  
وفجأة ومن غير مقدمات يجيلهم سرطان !!  
أو مرض خطير في القلب !! أو فشل كلوى !!  
يتعرضوا لحادثة فيحصلهم شلل نصفي !!  
أو يتعرضوا لحريق يشوه وجوههم وأجسامهم اللي  
كانوا بيعصوا بيها ربنا !! أو يجيلهم خرس  
فمقدروش ينطقوا تاني بكلمة واحدة تغضب ربنا !

« مستنية إن أي حاجة من الحاجات دي

تحصل علشان نبطلي الذنب غصب عنك؟؟؟



« هتقولى :

بس إحنا علاقتنا قيامة على الدين والإحترام  
!! ومن ساعة ما عرفته وأنا بدأت أتغير  
وأقرب لربنا، وكل يوم بيرن عليا ويصحيني  
أصلي الفجر ، وبقينا بنشجع بعض على  
الطاعة !

« هقولك :

**النية الصالحة لا تصلح العمل الفاسد !**

يعني إيه الكلام ده ؟؟؟؟؟؟

« يعني العلاقة والكلام ما بينكم حرام من الأصل  
فأي شيء هيتعمل بعد كده حتى لو كان صح مش  
مُبرر للإستمرار فيها !!



« إتبعي زي ما إنتي عاوزه !!

و دورى على سراب زي ما إنتي عاوزه !!

وقضي وقتك وضيعي عمرك زي ما تحبي !!

بس إنتي الوحيدة اللي هتخسري !!

وفي النهاية مش هتاخدي حاجة ربنا مش كتبهالك!

« وفي يوم من الأيام هتموتى ، وكل حاجة  
هتروح ومش هيبقى إلا **حسنا** أو **سينات** في  
ميزانك ! هتحاسبي عليها سواء فكرتني في ده أو  
مفكرتنيش، أو إهتميتي أو كبرتني دماغك !!!

« **كلنا هنتحاسب ..** وفي الدنيا قبل الآخرة ،  
ومنلومش إلا نفسنا .. قال الله :

(وَمَا ظَلَمْتَهُمْ وَلَكِن كَانُوا هُمُ الظَّالِمِينَ) الزخرف:٧٦







### ► هتقولى :

**بس أنا فاقدة الثقة في نفسي علشان أنا وزني زيادة شوية أو رفيعة شوية أو عيوني مش خضرا أو بشرتي سمرا !!! أنا مش جميلة زي بقية البنات ومحدث هيصلي ! أنا عايزة أحس إني مرغوب فيا !! وبسبب كلام أصحابي والناس وتعليقاتهم ؛ بدأت فعلاً أفقد الثقة في نفسي خلاص !!**

### ► هقولك يا أختي :

ده كله من وساوس الشيطان و النفس الأمارة بالسوء .. خلّي عندك ثقة في الله اللي خلقك في أحسن صورة ، ثم ثقة في نفسك ..

◀ وأنا لسه قابلك إن رزقك مكتوبك وهيجيلك لحد عندك .. بلاش موضوع فقدان الثقة في النفس ده علشان ممكن يوصلك لمرحلة خطيرة جداً ..



### ► هتقولى :

**فاهمة .. بس عايزة حاجة تأكدلي كلامك !!**

◀ طيب .. هجيبك دليل وهسيبك إنتي اللي تحكمي بنفسك على الشيخ ده وتتأكدي إنه مش فاهم أو بيفسر على مزاجه ..

◀ إرجعي لصفحة ٧٣ من الكتاب .. وشوفي أحاديث النبي ﷺ في الصفحة دي ..

إزاي النبي ﷺ يقول إن الحب قبل الزواج حلال وهو يقول إن حرام البنات والولد يكلموا بعض ؛

بل وسمى ده زنا اللسان وزنا الأذن !!!!!!

إزاي النبي ﷺ يقول إن الحب قبل الزواج حلال وربنا أمر الولد والبنات بغض البصر والنبي ﷺ

يقول إن النظر بينهم إسمه زنا العين !!!!!!

**إذا كان بداية الأمر من إتهم بيصوا لبعض حرام ؛ فما بالك بالاستمرار في العلاقة ما بينهم ؟؟؟!!!!**

**◀ حرام!!!!!!!!!!!!!!!!!!!!!!م طبعاً وبدون نقاش !**



### ► هتقولى :

**طيب هو أنا لو سببت الشخص اللي بحبه ، ينفع ادعي ربنا إنه يكون من نصيبي ؟؟ ولا ده حرام ؟؟؟؟**

### ► هقولك يا أختي :

لأ مش حرام .. لو عاوزة تدعي ادعي ، بس خدي بالك إنه لا يُفضل تخصيص شيء معين من أمور الدنيا في الدعاء ..

◀ يعني واحد عمال يدعي يارب أتجوز فلانة أو يارب أستغل في الشركة الفلانية ؛ فيتجوز فلانة وبعدها يندم ويشتغل في الشركة وتحصله مشاكل !  
◀ فلازم نبقي عارفين إننا مش عارفين الغيب ولا عارفين الخير من الشر !.. ولا عارفين إيه اللي ممكن يسعدنا وإيه اللي ممكن يشقينا ؟!



### ◀ يا أختي ..

**لو موضوع الجواز بـ " الجمال " كان على الاقل**

**٥٠ ٪ من الـ ٦ مليون بنت عانس في مصر**

**اتجوزوا !**

**ولكن الموضوع مش كده خالص!**

**الموضوع قسمة ونصيب ورزق مه ربنا ..**

◀ وعند النصيب ، اللي هيخطبك هيشوفك أجمل واحدة في الدنيا حتى لو كنتي في نظر الناس أقل بنات الكون جمالاً !





« **وختي بالك** إنك لو دعيتي إنه يكون من نصيبك إنتي كده بتاكدي لقلبك إنه هيكون ليكي وتتعلقه بيه أكثر وأكثر ! فادعي ربنا يرزقك بالخير ويرضيكي به .. فلو فيه خير هيجي ، ولو لا ، تبقي حافظتي على قلبك ..



« إحنا ساعات بنحب حاجات وهي مش خير لنا ونكره حاجات وهي فيها كل الخير لنا ..  
◀ **قال الله :**

( **وَعَسَىٰ أَن تَكْرَهُوا شَيْئًا وَهُوَ خَيْرٌ لَّكُمْ**  
**وَعَسَىٰ أَن تُحِبُّوا شَيْئًا وَهُوَ شَرٌّ لَّكُمْ** **وَاللَّهُ يَعْلَمُ**  
**وَأَنْتُمْ لَا تَعْلَمُونَ** ) البقرة: ٢١٦

◀ **وقال تعالى :**

( **فَعَسَىٰ أَن تَكْرَهُوا شَيْئًا وَجَعَلَ اللَّهُ فِيهِ خَيْرًا**  
**كَثِيرًا** ) النساء: ١٩

« وعلشان كده إدعى ربنا عموماً إنه يقدرلك وبيسرلك الخير حيث كان .. ولو هو خير ، ربنا هيرزقك بيه .. ولو لأ ، ربنا يصرفه عنك ..



« **أنا واثق ومتأكد** إنك بتحبي ربنا وعايزة رضاه ، بس الشيطان اللي مزينك حبيبك ده ومحسك إنك مش هتقدري تعيشي بعيد عنه .. بس صدقيني هتقدري .. والله العظيم هتقدري .. وبنات كتiiiiiiبير غيرك قدروا .. بس الموضوع محتاج إرادة وتضحية ..

♥ **الصحابة والصحابيات ضحوا بأرواحهم**  
**ودمانهم علشان رضا ربنا ..**

**يا ترى إنتي هتضحي بابه ؟؟؟؟؟؟؟**



► **هنقولى :**

**بس أنا بجد بعد ما جربت طعم الحب مش قادرة أعيش من غيره !! أنا مكنش ليا قيمة في الحياة والشخص ده حسسني بوجودي ! أنا مش بحبه وبس ، أنا بمووووووووت فيه !! أنا حاولت أعيش بعيد عنه متخيلوش أنا كنت عايشة إزاي ؟؟ بجد روحي كانت رايحة مني !!!**

« **هقولك يا أختي :**

بقي إنتي مش قادرة تعيشي لحظة وإنتي بعيد عنه ، وقادرة تعيشي وإنتي بعيد عن ربك ؟؟؟؟؟

يا أختي لااااااااااااااااااااااااا حاجه من اتنين :

**رضا ربك ؟؟؟**

**أو**

**رضا الشخص اللي بتحبيه ؟؟؟**



▶ قائلته البنيت وهي مش قادرة تمسك نفسها :

**وقدرت تبعد ؟؟؟**

**أنا مش مصدقة نفسي ؟؟؟!!!**

**أنا عمري ما كنت أتخيل إنك ممكن تعيش**

**يوم من غيري ؟؟؟؟**

**إزاي هان عليك كل اللي كان بينا ؟؟؟؟**

**فين كل الكلام والمشايع ؟؟؟**

**فين كل الوعود ؟؟؟**

**فين وعدك إن مفيش شئ هيفرقنا غير**

**الموت ؟؟؟**

**هو ممكن الحب يموت بالسهولة دي ؟؟؟؟**

**ممكن علاقة سنينيين تضيع في لحظة**

**عادي كده ؟؟؟؟؟**



## وقدرت تبعد ؟؟

☞ أحد الشباب من زمابلنا كان على علاقة حب مع بنت من سنة أولى كلية .. ووصلوا لمرحلة إن الناس بقت تقول عليهم روميو وجوليت ! وخلص الكل بقى يقول دول مخلوقين لبعض ، وهيتجوزوا ويعيشوا أسعد حياة ..

◀ ولكن بعد ما خلصوا الكلية على طول .. الشاب راح يكلم أهله في الموضوع فرفضوا رفض حازم وقالوا مستحيل هتجوز البنيت دي ..!!

والشاب طبعاً سمع كلام أهله علشان ميزعلوش وإتصل بالبنيت وقالها يا بنت الناس أنا من طريق وإنتي من طريق علشان مظلمكيش معايا ، وياريت متكلمنيش تاني .. وقفل السكة وغير رقم موبايله !

◀ كل ده مش مشكلة ؛ المشكلة إنه بعدها بكام يوم لقي رقم غريب بيتصل عليه ... وبمجرد ما فتح ؛ لقي بنت بتبكي بكاء هستيري ، وطلعت إن هي البنيت اللي كان يحبها ، مش مهم جابت رقمه إزاي ، المهم هو الكلام اللي قائلته له ..



◀ **ليه عايشة الوهم** وفكرة إن قصة الحب بتاعتك شئ تاني وغير أي قصة حب !!؟؟

◀ **ليه فاكرة** إن الولد اللي بتحبيه ده غير أي حد وإنه فعلاً بيحبك وهيتجوزك !!!

◀ **فيه حد في الدنيا** بيني حياته ومستقبله على شوية كلام ووعد ؟؟؟؟

◀ **إيه اللي يضمملك إنه صادق ..؟؟؟؟**

▶ **نتقولى :**

إنك واثقة فيه ثقة عمياء ، وإنه وعدك إنه مجرد ما يخلص كلية أو يشتغل هيتقدم على طول!

☞ **هقولك :**

ده هو ده الوهم بعينه !!!!!

◀ **ده حتى لو إتقدمك وخطبك ؛ إيه اللي يضمملك** إنه ميسيبكيش في أي لحظة !!؟؟؟

◀ **هو ايه الشئ** اللي بيربطه بيكي أصلاً دلوقتي؟

**مفيش أي شئ، غير شوية كلام !!!!!!!!**



☞ **الشباب رد وقال لها :**

**محدث بيموت من الحب !!**

وياريت تنسي الموضوع ده بقى ومنتصليش بيا تاني .. وكلمها بشدة علشان منتصليش تاني ، ومع ذلك كل يوم تتصل ، ومجرد ما يفتح تقعد تعيط ومنتكلمش !!!!!!!!!!!!!

◀ **الشاهد من الكلام** ده هو رسالة

بسيطة ولكنها في غاية الأهمية عايز

أوجهها لكل بنت :



## متبقيش ساذجة ..!!

◀ **أيوه متبقيش ساذجة** ، إنتي ممكن تكوني صغيرة في السن في إعدادي أو في ثانوي ؛ بس لازم عقلك يكون **أكبر** و **أنضج** من كده .. **وخصوصاً** لما تبقى شاذجة الواقع من حواليك عارفة كويس نهاية القصة إيسيبينيييييييه ؟!!!!





### ☞ خلاصة الكلام يا أختي :

« إن أي شاب في الدنيا معدوش أي مشكلة إنه يسبب أي بنت في أي لحظة وبدون مقدمات ؛ ده إن ماكنش عاقد النية من قبل ما يكلمها أصلاً إنه هيسببها ..!!!!

أصله مش خسران أي حاجة .. وإنتي بقيتي خلاص **رخيصة أوووووووي في نظره !**

### « بنت كانت بتحكى وتقول :

أنا قريب مشاكل كثير عن التجاوزات بين المخطوبين وأنا كنت منهم ! أيام بندم عليها !!!! بجد إحساس فظيع إنك تقرفي من نفسك أوي وتقعدي تسألني :

**ياترى خطيبي شايفني من وجهة نظره إيه بعد التجاوزات دي ؟؟؟؟**

**وإزاي تقولي يارب تمملي جوازي على خير وإبيني كذا وكذا وإنتي بتعصيه ؟؟؟؟**



### ☛ هتقولي :

**بس أنا لو رفضت إني أخرج مع خطيبي أو رفضت إنه يمسك إيدي أو رفضت أقوله كلام حب، ممكن يسببني ويفسخ الخطوبة ؟**

### ☛ هقولك يا أختي :

ما هو إنتي اللي إخترتي غلط من الأول ووافقتي على إنسان مش ملتزم علشان يطلب منك كده ! **وعموماً ،** ممكن يكون مش عارف الحكم الشرعي ، فإنتي كلميه وعرفيه إن ده حرام ، وإنكم لازم تطيعوا ربنا علشان ربنا يبارك في الخطوبة ويتم الزواج على خير !

**☞ ولو لسه برده مُصرّ ..** إنتي اللي المفروض ترميله الشبكة وتقوليله مع السلامة، مش عايزك ! أنا مش مغضب ربنا الملك علشان إنسان ضعيف ! مش مغضب ربنا الرزاق علشان رزق مكتوبلي ! **لأني عارفة ومتيقنة :**

**إن ما عند الله لا يُنال إلا بطاعته**




«**صوني نفسك يا أختي ..** وإحتفظي بمشاعرك لزوج المستقبل .. واعرفي إن اللي بيقولك مقدرش أعيش من غيرك وإنتي روعي وإنتي عمري والكلام ده كله ممكن يبببعك في أي لحظة ..

وهترجي تقوليله :

**وقدردت تبعد ؟؟؟!!**

هيقولك :

**!!!!!! اه !!**



☛ **ده غير إن معظم الشباب شايف إن أي بنت فرطت في مشاعرها وعواطفها قبل الزواج متنفعش تبقى زوجة المستقبل اللي هياتمنها على بيته وعرضه وأولاده بعد كده !**

وحتى لو إفترضنا إن الموضوع مشي وتم الزواج، والله العظيم عمرك ما هتلاقي **( الزوج الصالح )** من قصة حب !!! خلي بالك من الكلام اللي بين القوسين .. أصل مفيش واحد ملتزم ومتدين هيقعد يحب واحدة قبل الجواز !!!

**« الحب في الإسلام بييجي بعد الزواج مش قبله !**

**« السكن والمودة والرحمة بعد الزواج مش قبله !**

وده مش كلامي علشان تصدقيه أو متصدقيهوش وتقعدي تجادلي وتقوللي مش مقتنعة !! ده كلام ربنا اللي خلقنا ولازم نصدقه ونتيقن بيه..







﴿ إنما اللي بنشوفه دلوقتي ده مينفعش خالص!! ﴾  
 ﴿ إزاي بنت تتكلم مع ولد وتحكيه أدق تفاصيل وأسرار حياتها وتبدله رقم تليفونها وتخرج معاه وكل ده بحجة إنهم زميل وأصحاب وزى الاخوات بالظبط ؟؟؟؟؟؟! ﴾

﴿ إنتي كده يا أختي بتخالفني الفطرة لما بتقولي مش هيحصل تجاوزات !! ﴾

### إزاي بس مش هيحصل ؟؟؟؟؟!

﴿ إنتي بنت وهو ولد .. قطب موجب وقطب سالب .. لازم هيحصل إعجاب وإنجذاب ما بينكم ولو بعد فترة ، غصب عنك وعنه مش بمزاجكم ! ﴾



## علاقة بريئة !!

﴿ بنات كثير هتقول : أنا فعلاً مقتنعة إن الحب بيجي بعد الزواج وعارفة كويس إن العلاقات دي كلها حرام .. وإن شاء الله هصبر وهحتفظ بقلبي وحبى لزوج المستقبل .. بس ؛ ﴾

﴿ فيها إيه لما يكون ليا أصحاب ولاد وبتكلم في نطاق الأدب والإحترام ؟؟؟ ﴾

﴿ إيه المشكلة لما يكون ليا زميل في الكلية أو في الشغل أو صديق على النت وأتكلم معاه وأحكيه مشاكله ويساعدني ؟؟ وأنا بعتبره زي أخويا بالظبط والحمد لله عمرنا ما بيحصل بيننا حاجة غلط أو أي تجاوزات ؟؟ ﴾

﴿ هقولك يا أختي : زي ما قولتلك قبل كده :

( النية الصالحة لا تصلح العمل الفاسد )  
 و ( ما بُني على باطل فهو باطل )

﴿ وإنتي عارفة كويس إن الكلام بين الولد والبنت حرام .. وغير جائز إلا للضرورة فقط .. ﴾



﴿ الرسول ﷺ قال :

( ما تركت بعدى فتنة هي أضر على الرجال )

من النساء ) متفق عليه

﴿ إزاي بقى نقعد الفاتن مع المفتون ؟؟؟! ﴾  
 ﴿ إزاي نخليهم أصحاب ويتكلموا سوا ويهزروا ؟؟! ﴾  
 ﴿ إزاي نقول إن ده حلال وانهم اخوات وعادي ؟؟! ﴾

﴿ أصدق أنا النبي ﷺ ولا أصدقك إنتي ؟؟! ﴾

بلاش تقولي إن الموضوع مش كده بينكم وإن نيتكم صافية وربنا أعلم باللي في القلوب !

﴿ لأن إنتي بشر وهو بشر وأنا بشر .. ومحدث فينا معصوم ! ﴾ و يعني هم الصحابة اللي هم أفضل البشر بعد الأنبياء ، وأمهات المؤمنين اللي هم أظهر نساء العالمين نواباهم مش حلوة وعلشان كده ربنا أمرهم بالكلام من وراء حجاب ؟؟؟!!!!  
 لآ طبعاً .. فحتى لو الشخص نواباه سليمة ١٠٠% فاحنا بنعبد ربنا إمتثالاً لأمره مش علشان مُبرر .. ﴾



﴿ هتقولي :

على فكرة أنا من بيت محترم ومترية وعارفة نفسي كويس ، وأعرف لو حصل أي حاجة أحمي نفسي وأحافظ عليها !

﴿ هقولك :

فيه مقولة بتقول :

( إياك أن تستشرف الفتنة ؛

لأنها ستستشرفك )

﴿ يعني مينفعش أخط نفسي وسط الفتنة وأقول أنا واثقة من نفسي ومش ممكن هعمل حاجة غلط !!! ﴾

﴿ إنتي كده بتعملي زي اللي جاب چركن بنزين وكتب عليه ممنوع الإشتعال !! ده كلام ؟؟؟؟؟! ﴾





## يعني إيه كلمة صحبوية؟

يعنى إيه كلمة صحبوية؟؟

« يعنى بنوته رقيقة تروح ضحية  
شباب طايش مش بيحمل مسؤولية

يعنى إيه كلمة صحبوية؟؟

« يعنى كذب وزيف وخداع  
يعني وهم الروماتسية !!

يعنى إيه كلمة صحبوية؟؟

« يعنى لمسة فيها حنان ،بس طبعا مش شرعية!

يعنى إيه كلمة صحبوية؟؟

« يعنى وردة من حبيبي ، بس شوكةها كله أذية !

يعنى إيه كلمة صحبوية؟؟

« يعنى آه كان جنبي إمبراح؛بس بكرة هيغدر بيا

يعنى إيه كلمة صحبوية؟؟

« يعنى فترة وببقيتها .. لعبة حلوة إتسلي بيها  
ولما يبجي يفكر يخطب .. مستحيل هيفكر فيا !



## « قال الله تعالى :

(وَمَا كَانَ لِمُؤْمِنٍ وَلَا لِمُؤْمِنَةٍ إِذَا قَضَى اللَّهُ  
وَرَسُولُهُ أَمْرًا أَنْ يَكُونَ لَهُمُ الْخِيَرَةُ مِنْ  
أَمْرِهِمْ ۗ وَمَنْ يَعْصِ اللَّهَ وَرَسُولَهُ فَقَدْ ضَلَّ  
ضَلَالًا مُّبِينًا ) الأحزاب: ٣٦

« بالله عليكم يا أختي إنسي موضوع  
الصحبوية ده خاااa



إوعى تفكر إنني رخيصة ..؟؟  
أو لحبك مستنية؟؟!!

ده حب ربي منور قلبي ..  
وأنا عنه مش مستغنية !

هحفظ قلبي ملك لربي ..  
وهصون نفسي حرّة أبية !


وحياي هيزين أخلاقي ..  
وحجابي رمز الحرية !

« أيوه هقولها بأعلى صوتي  
وهرددها لحد موتي

**أنا على ديني بجد حريصة**

**أنا غالية ومش رخيصة**

**أنا غالية ومش رخيصة**



يعنى إيه كلمة صحبوية؟؟

« يعنى أضيع عمرى ودينى ..  
ومفيش حد هيبكي عليا !!

يعنى إيه كلمة صحبوية؟؟

« يعنى أعيش اللحظة الجاية ..  
وأبيع كده جنتي بايديا !!

يعنى إيه كلمة صحبوية؟؟

« يعنى ربي هيغضب مني ..  
يعني أهلي هاتوا عليا !!

**للأسف هو ده معنى الصحبوية !!**

« فوقى ياللا يا أختي لنفسك ..  
قيل ما تكوني الضحية !!  
قومي ياللا وقولي للعالم ..  
أنا إسلامي غالي عليا !  
عمر ما كان ديني بيخنقتي ..  
ولا كان قصده يظلم فيا !  
رَبِّي حبيبي وهبني كتيتيبير ..  
والرسول ياما وصى بيا !



### « وبننت تانية بتقول :

أنا كنت كتير بسمع عن الشات والمصايب اللي بتحصل من وراه ، وقولت عمري ما هدخله ، بس دخلته من قبيل حب الإستطلاع وياريتني ما دخلت!! شباب كتير أوووي كلموني وإتعلقت بأكثر من شاب فيهم وللأسف فيه واحد فيهم عرفني حاجات مش كويسة وشدني معاه للسكة الغلط ، وأنا حالياً أدمنت الحاجات دي ووجد مش عارفة أعمل إيه ؟؟؟!

### « وبننت تالته بتقول :

أنا بننت متدينة وعارفة ربنا ، إتعرفت على شاب في أحد الجروبات الدينية على الفيس ، بس إحنا كنا بنتكلم عادي في أمور الدين وأمور عادية زي الحياة والسياسة ، كلام عادي جداً .. بس بدأت أحس إننا متفاهمين وبدأت أحس إنني بحيه ، هو عاوز يتقدملي بس أنا خايفة ومش عارفة هقول لأهلي إيه ؟ إيه رأيكم ؟؟؟؟



## الحب و النت !!

« والسؤال التقليدي اللي البنات بتسألنه دائماً :

**هو فيه حب من على النت ؟؟؟؟**



والمشاكل في الموضوع ده بالذات ملهاش عدد !!

### « مثلاً بننت بتقول :

أنا كنت زهقانة في يوم ومتخافقة مع ماما ، ودخلت على الشات علشان أفضض مع أي حد ، لقيت شاب محترم أووووي وأقعد يخفف عني ، وإستمريت في الكلام معاه علي النت واتعلقت بيه جداً!!!!!! ، وبقالنا حوالي سنتين على الوضع ده وأنا مش عارفة أعمل إيه ؟؟؟؟



### « هقولك يا أختي :

**أسهل حاجة ممكن الواحد يعملها على النت هي**

## الكذب !!

«واللي الكل شايفه دلوقتي ومتأكد منه ، إن شباب النت بيلعبوا بالبنات ويتسلوا بيهم وبمشاعرهم وعواطفهم لحد ما يستدرجهم لأغراضهم الدنيئة !

« يعني الموضوع بقى **إسطوانة محفوظة** الشاب بيقولها لكل بننت مع بعض التعديلات علشان تناسب شخصية الضحية الجديدة في كل مرة !!

« يعني البننت المتدينة يدخلها كأنه واحد شيخ !! والبننت العادية يدخلها كأنه الدنجان العاشق !

**شباب بفكر الشياطين ؛**

**بل أخبت من الشياطين!**




### « وبننت رابعة بتقول :

أنا مشتركة في جروب دراسي لدفعتي على الفيس وكان فيه واحد زميلي دائماً بيعلق على مشاركاتي ويبيدي إعجابيه بيها ، ومن فترة طلب الإيميل وإدينهوله ولقيته شاب عاقل جداً وأخلاق أوي وفيه كل الصفات اللي بتمناها ، أنا حبيته بجد ، ومش عارفة أقوله إيه ؟؟ ولا أتصرف إزاي ؟؟؟

والمشاكل الحب من النت مش بتنتهي ..!!

**يا نرى نقول إيه لأصحاب المشاكل دي ؟؟**





« والبنت بيرانتها وفطرتها بعد المدح ده كله تديله الإيميل ، ويتكلم معاها وتتكلم معاه ، ويقولها كلام يخلي قلب أي بنت طائر في السما .. لحد ما خلاص يحس إنها اتعلقت بيه .. ويبدأ يبعد عنها ويسيبها شهر أو شهرين ، والبنت تقضل في الفترة دي في عذاب وهموت ويكلمها !!»

«وفيبينين .. بعد مدة يدخل ويتحججها بأي حجة ويقولها : معلش أصل والدتي كانت تعبانة جامد وتوفاها الله وأنا كنت تعبان جداً الفترة اللي فاتت .. أو يقولها أصلي كنت دخلت الجيش أو أختي كانت بتتجوز ومكنتش فاضي أو أي حجج واهية !

☒ والبنت للأسف بتصدق علشان متعلقة بيه .. وبترجع تكلمه وتتعلق بيه أكثر من الأول ..!!!



« تلاقي الشاب بيعت إضافة للبنت على الفيس فالبنت محترمة ومش بتضيف ولاد ، وطبيعي تقوم رافضة .. يقوم بيعتلها رسالة يقولها :

إيه ده ؟؟؟؟ بجد مش معقول ؟؟؟

هو لسه فيه بنات كده ؟؟؟؟

معقول فيه بنات لسه بالأخلاق والإحترام ده ؟؟؟؟

ما شاء الله عليكي ..

ربنا يزود إيمانك ويبارك فيكي ..

ويبعد عنك ولاد الحرام ..!!!!!!!

- ويقعد يومين كده ميكلمهاش ولا بيعتلها حاجة .. وشوية وبيعتلها رسائل دينية هو أصلاً ممكن يكونش عارف بتتكلم عن إيه ؟؟!!

« ويستمر على كده فترة ، وبعدين بيعتلها يقولها : صراحة ومن غير كذب ، أنا لفيت النت حنة حنة ؛ وملقيتش إنسانة محترمة زيك تصلح كزوجة .. وعلشان كده ياريت حضرتك لو تديني الإيميل علشان أعرف أتكلم مع حضرتك !!



► تقوله :

طيب إيه رأيك تكلم ماما ؟؟

☛ يقولها :

والله العظيم أول ما أرجع من السفر إن شاء الله هكلمها ، ومتبقيش خنيقة بقى !!

« وأول ما البنت تتأكد إنه بيلعب بيها وتحاول تبعد .. تلاقي المصايب اللي عملتها في وشها !!

► الشاب يقولها إنه مصورها فيديو وهي فاتحة الكاميرا ، أو يكون مسجلها المكالمات ، أو يركب صورتها على صور مُخلّة بالفوتوشوب ، أو يكون واخد رقم موبايل باباها أو أخوها ، ويفضل يهددها إنها لو حاولت تبعد ومسمعش الكلام ؛ هيرفع الحاجات دي على النت وهيفضحها في الدنيا كلها!

« والبنت تبقى في حيرة من أمرها ومش مصدقة اللي بيحصل وخلاص حاسة إن حياتها إتدمرت !!



☛ وتستمر الحكاية ، ويبدأ الشاب يطلب رقم تلفونها والبنت بدون ما تفكر أو تتردد تديهوله .. وشوية ويطلب إنه يشوف صورتها .. والبنت برده على طول تبعتاله .. شوية ويقولها إفتحي الكاميرا وفتحاله ..!!!!!!!

☒ وطالما الكاميرا إفتحت ، تبدأ التجاوزات والمصايب اللي محدش يعلمها غير ربنا وحده !!

« وكل ده والبنت مُعَيبة !! ما هي خلاص بقت لعبة في إيديه ومش قادرة تقوله لأ على أي حاجة !

☛ وأول ما البنت تفوق لنفسها وتحس إنها تمادت في الغلط والحرام وتقوله هتيجي تتقدم إمتي ؟؟؟؟ يفضل يتهرب منها ويخترعها حجج كالمعتاد ؛ أصلي مسافر الإمارات ومش راجع غير بعد ٣ سنين ! أصلي بجهاز إخواني البنات ومش هينفع أتقدم دلوقتي ! أصلي مش عارف إيه وإيه ..!!!!

وكل ده والبنت المسكينة لسه برده

مصدقاه!



« وبعدھا البنٹ تلاقى نفسها حامل ! وتروح تعمل إجهاض ، وتبقى المصيبة مصيبتين !!

« وأخرتها إن البنٹ بتخاف من الفضيحة والعار وأسهل حاجة في نظرها علشان ترتاح من الهم اللي عايشاه بتبقى :



## الانتحار !!!

وكل ده بدأ بشات بريء أو يطلب إضافة برئ !!

« لسه برده مش عايزة نفوقى ؟؟



« وشباب تاني أشد فجوراً من النوع الأول

بياخد النت كوسيلة تعارف ، ومجرد ما يتعرف على البنٹ ويكلمها ويحس إنها اتعلقت بيه ، يطلب إنه يقابلها ، وطبعاً البنٹ في الأول بترفض ، ولكن مع الإلحاح الشديد وضعف البنٹ والشيطان والنفس ، البنٹ بتوافق !!  
وطبعاً في أول مرة لا بيلمسها ولا حتى بيكلمها ؛ لأنها محترمة وهو برده محترم !!!!!!!!!!!!!!!

ولكن مع تكرار المقابلات .. الموضوع بيتطور!!

## وتبدأ التجاوزات !!

☒ وتبدأ البنٹ تتنازل واحدة واحدة وترخص نفسها واحدة واحدة ، وفي بعض الأوقات بيوصل الأمر لدرجة الزنا عياداً بالله أو الجواز العرفي اللي هو زنا برده !

## وكله باسم وهم الحب!



► وتعالى نبص على التناقضات اللي في كلامك ..

« إزاي هو شاب محترم ومتدين ويقبل إنه يتكلم

معاني لحد دلوقتي ؟؟

« إزاي هو شاب محترم ومتدين ويطلب صورتك ؟؟

هو يرضى لأخته كده ؟؟؟

يرضى لأخته تبعته صورتها لشاب على النت ؟؟؟

« معتقدش إن فيه شاب محترم ومتدين يرضى!

« يا أختي يا غالية : لو قريت مشاكل النت اللي في كل مكان ، هتلاقي كل البنات بيقولوا ده محترم أوي وعاقل أوي وهادي أوي ؛ وفي الآخر يطلع شيطان أو يطلع متجوز أو يطلع واحد عاطل وبيتسلى أو نصاب محترف وعازب يستغلك !!  
« حطيتها حلقة في ودنك وخديها مني نصيحة :

**مفيش شاب "محترم" و "عارف ربنا" هيكلم بنت ولا نت ولا موبايل ولا في الحقيقة !**



► هتقولى :

بص بقى ، كل الكلام اللي إنت قولته ده جميل وأنا متفكدة معاك فيه ؛ بس الشاب اللي أنا بكلمه ده غير كل الشباب بتوع النت خااa

هو صحيح طلب يشوف صورتي !! بس ده علشان هو جد وعازب يتقدملي ..!

ده شاب محترم جداً!!!!!! وعنده جروب ديني فيه كام ألف عضو وأخلاقه ميختلفش عليها اتتين !!

« هقولك يا أختي :

☒ الدين والإحترام مش بالمنتديات والجروبات

على الفيس والرسائل الدينية !!!

☒ الدين والإحترام = أفعال على أرض

الواقع





- وقد يحكيلي عن نفسه وإنه مش بيحب الكذب وإنه صريح و..... وأنا زي الهيله أصدق !  
ياجماعة والله ما كنت مصدقاه في الأول وكنت حاسة إنه كذاب وكنت بقوله مش مصدقك ،

### **ولكنه كان بيحلفلي ١٠٠ حلفان في الثانية !**

- كان بيحلفلي إنه عايزني وهيتقدم ! وكان بيقسملي ١٠٠ قسم إنه بيحبنى ! وكان بيشهد ربنا على كلامه في كل مرة ..!!!!!!

- وكان بيقوللي دائماً : يشهد ربنا على كلامي وربنا شاهد وسماع إنني بحبك وعايزك زوجة ليا يا بنت الناس صدقيني ، وكلام من هذا القبيل ..!

- غصب عني وقعت وصدقته ! وبعد ٣ أسابيع المهم يعني قاللي إن أنت عنده فصل وقاللي معنديش فلوس أدفع لأنه مبلغ كبير! اصبري شوية عليا،وبقى أحياناً يدخل من عند صاحبه وأحياناً لأ .

- صبرت .. بس زي ما تقولوا لما بعد عني بقى بيوحشني الكلام معاه لإنني إتعودت وبقيت بستناه كل يوم !!



- وكان بصراحة محترم! وكويس أوي وعرفني عن نفسه وحكالي حكايته مع الزمان تاتا تاتا ، وإنه كان بيحب بنت وماتت قبل خطوبتهم ب ٣ أيام ، ومامته ميته غضبانه عليه لأنه سافر وسابها لوحدها ومعندوش اخوات وعایش لوحده !!

- صعب عليا يا حبة عيني والله !! وبكيت وهو بيحكيلي طبعاً بتفاصيل مؤلمة جداً!!!!!!!!!!!!!! ، ومن هنا بدأت قصتي معاه ..

- وبقيت أدخل أطمئن عليه من باب إنه وحيد ، وبقيت أقوله تعالي نعين بعض على طاعة الله ونحفظ قرآن ونفكر بعض بالصلاة !

- كلمته ٣ أسابيع بس .. **وكل مرة يكلم فيها معايا قسماً بالله كان يقول أحلي كلام ممكن تسمعه أي بنت !!** كان يقولني حاجات بتدور في بالي وكان بيقرأ أفكارني ! وطبعاً أنا اتجننت واتهيلت ، إزاي ياربي ؟؟ ده معقول ؟؟ شكله هو ده خلاص فتي أحلامي ! يااااااه ربنا عوضني وأخير!!!!!!!! لقيت الإنسان اللي بتمناه !!



- بعدها بعته مسج قولته : أسفه مش هقدر أكمل معاك وربنا يوفئك ! وكلام كثير طبعاً زي كده ! كنت متنرفة لأنني شوفت حاجة نرفرتني ! شوفت بنت بتقوله " يا حبيبي " على الفيس بوك وكلام من ده كثير وكمان أصحابه يعرفوها والبنت دي بتفتح الفيس بتاعه !!

### **حسيت وقتها إني مخدوعة وإني مضحوك عليا!!**

**بعثلي مسج قالي :** إنتي مجنونة ؟ إيه الكلام ده؟ عيب عليك لما تقولي كده !! وبعدين معاكى ؟؟

- سحبنت كلامي وقولته معلش كنت مضايقة وممكن تشوف وقت ثاني نتكلم فيه ! مردش عليا ! إتصلت عليه ثاني يوم مردش برده عليا ، بقيت بتصل ويكنسل في وشي !! وأبعته مسجات بالهيل ! اتجننت خلاص !! فيه إيبيبيبيه ؟؟ حصل إيبيبيبيه ؟؟ أول مرة أكون متهورة كده !! بس كنت بحاول أدور على أي حاجة تبينلي إنه مظلوم !!



- حبيته غصب عني بس مش إترفته !! يعني حبيته بني وبين نفسي ، وكنت مبسوطه أوي لأنني لقيت إنسان ملاك يانا!!!!!!!!!!!!!! اس ملا!!!!!!!!!!!!ك!!

- بقاله شهر وحاجة أهو أنت مش رجع عنده ، وحصلت حاجات كثير في الشهر ده .. أخذت رقمه وقولت أطمئن عليه وكنت بتصل بيه وهو عمره ما اتصل بيا ولا حتى إداني رنة !! عارفين ليه ؟؟ لأنني حسيت إن ظروفه صعبة ويتيم ومش عارف يدفع الفاتورة ، فحرام أنقل عليه !! كنت طيبة والله معاه وبعامله بحسن نية !

- وكنت كل ما بتصل بحس إنه مش مبسوط إنه سمع صوتي ! وصليت ودعيت ربنا كثير وصليت مرتين إستخارة إنى أرتاح ! ولكن مش مرتاحة !!

- **وكنت بصبر نفسي ويقول يمكن الإحساس ده موجود علشان لسه معرفناش بعض أوى !!**

- **وفجأة أول الاسبوع ده .. لقيته من يومين ثلاثة فاتح ومش بيرد عليا !! اقعدت أكلمه ولا هو هنا !!**



**- والله أي حد يسمعه يصدق كلامه ده !!  
ممثل محترف منه لله !!**

- بعدها إتصلت عليه لقيته عامل خدمة عدم الإزعاج .. التليفون بيقولي الرقم الذي طلبته غير صحيح !! وبعد ساعتين ثلاثة رن الموبايل عادي كان بيعمل الحركة دي كل مايفتح النت ومش ناوي يرد عليا وأنا كنت بستغرب !!  
أنا عارفة إني غلطانة ، بس اللي حصل حصل !!

- بعنله كلام كتير وأنا بيكي امبارح وقولتله حرام عليك رُد عليا !! إنت بتعمل فيا كده ليه ؟؟؟؟؟؟؟  
أنا مش مصدقة ! أنا إتخدعت فيك وكلام من ده !!  
وبرده مردش عليا ولا عبرني!!

- مسحت رقمه ومسحت كل شئ إلا إيميله .. سبته علشان مستنياه يبزر موقفه **وكنت هسامحه !!!!!**

- لقيته إنهارده مرتين على النت الصبح وبالليل من شوية ، ومعبيرنيش زي الجزمة القديمة !!!!  
وبيكلم الناس وبيكلم أصحابه ويشارك في الجروب اللي كلنا فيه ولا يعبرني خالص !!



**- بصراحة** أنا كنت معجبة بيه كشكل وكإنسان مثقف ومحترم ومتدين وكلامه والأحلام الوردية اللي عيشني فيها !!!!!

- المهم ، بعد ده كله برده مردش عليا ولا عبرني!!  
بعنله امبارح قولتله ممكن تفتح النت هستناك .. استنيت لحد ٤ الفجر مجاش !! بعدها إتصلت أسأله لأنني تعبت من الإنتظار مردش عليا!! قولت يمكن نايم !!

- بعدها لقيته فاتح النت وعلى الفيس وقاعد يعلق على صور والبنت دي تعلق معاه على صور وتقوله كلام حلو وتدلعه ودايماً يفتحو في نفس الوقت مع بعض !! المهم .. فضلت أبعت واقوله رد عليا !! ورسايل وإتصالات واتجنت واتهورت أووووي !!وبرده مردش عليا ولا عبرني ههههه !!

**- اتجنت وانهرت !!** أصلي عمري ما كلمت شاب في حياتي ، وكنت ببعد كل البعد عن العلاقات دي وكمان متوقعتش منه كده ! والأكثر إن الصدمة كانت قوية لأنني صدقته جداً وصدقت حلفاناته الكثيرة اللي أي حد يصدقها !!!!!



«**أرجوكم يا بنات ..** أنت أحلام وخيال واسع وكذب كبير وخداع وناس مريضة متخفية ورا كلام حلو وصور حلوة !!

**أرجوووووووكم إوعوا تنخدعوا زيي يا بنات !!**

- مفيش حاجة اسمها حب من النت والكلام ده كله! والشاب مش بيخسر حاجة .. إنما البنت هي اللي بتخسر كل حاجة !!!

أنا مذهولة من اللي حصل معايا وعماله أضحك بهستريا على هبلي وتصرفاتي **وبُعدي عن ربنا !**  
**مع إني على فكره ٢٢ سنة ومش مراهقة ، بس** أعمل إيه ؟ إتخدعت خدعة كيبيبيبيبيبيبيرة !  
الله ما يوريكم الموقف الوحش اللي أنا فيه !!  
حتى كنت أتمني على الأقل يبجي يقولي مش عايزك ! لكن يسني أتذلل له إنه يكلمني كيبيبيرة في حقي أووووووووي !

**لاني مش رخيصة للدرجة دي !!!**

► **ودي كانت حكايتي ، وأتمنى إن البنات تتعظ بقي وكفاية حب نت وزفت وقرف ! كفاية بقي !!**



**- منه لله !! منه لله زي ما حرق قلبي ونلني !!  
ربنا يحرق قلبه دنيا وأخرة !!**

- وأنا عمري ما هسامحه أبداً .. لأنه كان واعدني بحاجات كتير وأنا كنت طيبة وساذجة معاه ويتعامل بحسن نية !!

- أنا اتهورت إنهاردة وبعنله ٤ مسجات على الفيس بتحايل عليه يفتح يكلمني وعلى الإيميلات !!  
**شوفتوا الغباء والقرف اللي أنا فيه !!**

- والله أنا بعدها مسحت إيميله دلوقتي وعرفت إنه كذاب وإنه حقير وحسبي الله ونعم الوكيل في اللي يكذب ويحلف كذب ويعلق بنت الناس بأواهام !!

- وأنا غلطانة ومعترفة بغلطي وهستغفر ربنا على كل اللي عملته وأدينى اتعلمت ، والحمد لله إنه محصلش حاجات أكثر من كده !!

**والنت فعلاً عمره ما كان وسيلة حب**

**أو نعارف يا بنات !!!**





❖ **إيه رأيك بقى بعد ما سمعتي القصة دي ؟؟**

▶ **هتقولى :**

**القصة صعبة بجد .. وفعلاً بنت المسلمة  
غالية أووووي ومش رخيصة علشان تعمل  
في نفسها كده !**

**بس الشاب اللي أنا بحبه ده مش بيكذب عليا  
وأنا واثقة ١٠٠٪ من كده ، لأنه طلب رقم  
تليفون ماما وكلمها وقالها إنه هيخطبني  
أول ما ظروفه تتحسن ، وماما قاتلتي  
إستمري معاه ده شكله ابن حلال !**

❖ **هقولك :**

وايه يعني لما يقول كده .. ؟؟؟؟؟؟؟

**هو الكلام بفلوس ؟؟؟**

◀◀ ما يكلم مامتك وباباكي والعيلة كلها ويقول إنه  
هيخطبك .. إيه اللي ياكلدك برده إنه صادق  
ويخليكي تنقي فيه للدرجة دي !؟؟



وحتى لو افترضنا إنه صادق وده شبه مستحيل !!  
إقطعى علاقتك معاه وهو يجيلك لحد عندك لو  
عايزك ! أرجوكي بلااااااااااااااش ترخصي نفسك !!



◀ **إنتي غالية أوى ..**

**أرجوكي حافظي على نفسك !**

❖ **بالله عليكمي :**

◀◀ لو فيه جوهرة على جبل عالي ، وحاول شاب  
إنه يوصل للجوهرة دي ، حاول مرة ووقع ..  
وحاول الثانية ووقع ثاني وإتجرح ! ووقع الثالثة  
وإتكسر .. وبرده فضل مصمم إنه يوصل للجوهرة  
دي .. وفي آخر المحاولات وصل بعد مشقة وعناء  
**بالله عليكمي ، ساعنها هيقدر يفرط فيها ؟؟؟**

**ساعنها هيجيله قلب إنه يسيبها لغيره ؟؟؟**

◀◀ أهو إنتي الجوهرة دي .. إنهاردة إنتي لما  
تبعدي عن الشاب اللي بجد نفسك تربطني بيه ..  
**صدقيني هتغلي جداااااا في نظره !**



◀ **يا أختي :**

قلبه ده بايذ ربنا ... يعني هو وحده سبحانه وتعالى  
اللي قادر يزرع في قلبه إنه يحبك أو يكرهك !  
وإن شاء الله لما ربنا يجمع بينكم في بيت الزوجية  
؛ والله ما هيجيله قلب يزرعك ، وهايحافظ عليك  
ويحطك جوا عينيه ..

♥ **ليه هيصونك ويعاملك كده ؟؟**

☑ **لأنك كنتي غالية وحافظتي على قلبك  
ومشاعرك ، وهو عرف قيمتك بجد ، وإنتي أثبتتي  
إن رضا ربك قبل كل شيء ، وإنك فعلاً زوجة  
صالحة بإذن الله ..**



❖ **وتعالوا معاي ناشوف الصورة الثانية :**

◀◀ لو هي نفس الجوهرة .. بس المرة دي  
مش على قمة جبل ؛ لأ .. دي مرمية في الشارع  
وعليها تراب ، وكل اللي رايح واللي جاي عمال  
يشوط فيها .. لحد ما واحد لقاه وأخدها ..

◀◀ **بالله عليكمي يا أختي .. هل هتكون غالية عنده  
زي الشاب اللي تعب وبذل قصارى جهده علشان  
يوصل للجوهرة البعيدة اللي لسه بتلمع فوق قمة  
الجبل ؟؟**

☒ **مستحيل طبعا !!**





### « وبعد الزواج :

« **تفتكري** هو هيبقى مطمئن وواثق فيكى وإنتى قاعدة على النت وهو فى الشغل؟؟!

« **تفتكري** إنتى مش هتشكى فيه لو لقتيه متغير وبيقعد على الجهاز من غير ما تعرفى بيععمل إيه؟

« **تفتكري** مش ممكن فى يوم فى وقت غضب أو مشكلة يقول كلام يجرحك عن الطريقة الللى عرفك بيها واتجوزك بيها؟؟

« طب ينفع واحدة تتجوز شخص وهو بيقى ماسك عليها ذلة إنها مخبية على أهلها إنها عرفته إزاي؟؟؟

« **ده غير إن النت حاجة والواقع حاجة ثانية!**

« **يعنى إيه؟؟** يعنى إنتى ممكن يكون عندك واحدة صحبتك بترتاحي لها على النت وتتكلمي معاها فى التليفون ولكن لما بتسوفيها بتحسى إنها غريبة عنك! وإنك مش عارفة تخدي عليها!

شخص متعرفيهوش، إزاي تفكري ترتبطي بيه؟؟



### « **هتقولى :**

**بس أنا أعرف بنات كثير اتجوزا شباب من قصة حب من على النت!!!**

### « **هقولك يا أختى :**

تفتكري فكرة الزواج من قصة حب من على النت حاجة كويسة؟؟

« **لو تأملنا فى قصص الزواج من النت ، هنلاقي البداية كانت غلط وحرام ..**

« يعنى مش هتقدري تقولي للناس إنك عرفتيه عن طريق النت!

« وهتبقى إيه نظرة أهله ليكي لو عرفوا إنكم معرفة نت؟؟!

« ولو هتكذبوا هتصححوا الخطأ بخطأ تاني!! وبردو مسيرهم هيعرفوا!



### PrivacySettings

« وبالنسبة للفيس بوك ، الأفضل هو البعد عنه طالما الإنسان مش محتاجه ؛ ولكن لو مُضطر .. يبقى لازم ياخد احتياطات الأمان فى مكان ملىان قتن، ومنها إنك تدخل على ال- :

وتعدلي الإعدادات ، بحيث متخليش أي حد غير ناس معينة بس :

« **بيعتلك طلب إضافة .**

« **أو بيعتلك رسائل .**

« **أو يلاقي اسمك فى البحث!**

« **هتلاقي الخيارات كده بالإنجليزي :**

-Search for you on Facebook

-Send you friend requests

-Send you messages

« هتعدلي الخيارات فيهم كلهم .. وطبعاً فى نفس الوقت **كلامك على الجروبات هيكون للضرورة فقط!** وبلاش أي كلام أو كومنتات موجهه لشاب بعينه .. **الكلام يكون بصيغة العموم** علشان مانوقش بعض فى الفتنة ونحافظ على قلوبنا ..



### « **هتقولى :**

**طيب أعمل إيه بس ؟ علشان أستاذ وأقدر أبعد عنه لازم أشيل النت خالص وده مش هينفع!!!!**

**ده غير إني كل يوم بيجلي ١٠ إضافات على الفيس كلهم من الولاد ، ده غير الجروبات الدينية والجروبات الدراسية الللى لازم أدخلها ومقدرش أبعد عنها .. أعمل إيسيسيه بقى?????**

### « **هقولك يا أختى :**

النت بقى واقع فى كل بيت دلوقتي ومش هقدر أقولك إفضليه ! بس طبعاً لازم ناخد احتياطاتنا وإحنا على النت لأنه سلاح ذو حدين !

**وأهم نصيحة هقولها لك :**

« **إوعي تقعدى على النت وانتي بدون هدف!**

**علشان هتلاقي نفسك على طول بتتجهي للغلط !**

وياريت تبعدى عن منتديات الأغاني والأفلام الللى كلها إختلاط ورسائل خاصة وشباب مش ملتزم !



### ► هتقولى :

**بعد ده كله ممكن برده يكون فيه بنات لسه مصدقة وعايشة الوهم .. تقولهم اييه ؟؟**

### ◀ هقولك :

أنا مش هتكلم تاني علشان يمكن الناس تكون زهقت من كلامي ..

### أنا هكيلهم حكاية بنت كانت برده مش مصدقة

كانت مش مصدقة كلامنا لما نصحنها وقولناها إن كل ده وهم × وهم !

◀ بدأت الحكاية لما البنت دي بعثلنا مشكلة في قسم " سرك في بير " على " منتدى أحلى حياة " بعنوان : ( ساعدوني ) ؛ بتقول فيها :

[ السلام عليكم ، أنا بجد مكسوفة إني بتكلم في موضوع زي ده ؛ بس لازم اخد رأي حد وينصحي أعمل إيه ؟؟؟

- أنا فيه واحد بيحبني من علي النت وصارحني بكده لسه قريب وبيتكلم معايا باحترام !



### - وفي الجروبات أو المنتديات الطلابية :

بيبقى فيه ربط بين النت والواقع .. الشخص اللي بتردي عليه زميلك في نفس دفعتك وربما عارفة شكله من الكلية أو من الصور اللي حاططها أو معلومات عنه ، فلو لقيتني قلبك هيتأثر ومنتعلقي بيه .. يبقى لازم تبعدني !!



◀ بعدها بكام يوم كتبت موضوع تاني بعنوان ( أنا صاحبة مشكلة ساعدوني ) ؛ بتقول فيه :

[ أنا إستخرت مرة وقمت مستريحة للموضوع وبدعي ربنا دايماً في أي خطوة وأقول يارب قدرلي الخير .. أنا مش عايزة أزعلكم مني ، بس صدقوني أنا بحس إني غرقانة ومش عارفة أعمل إيه ؟؟ كل لما أبعد عنه برجعله ومش بقدر !! وبدعي ربنا كتير أوي ، والشباب ده لاحظ فيا كده، وحكيته علي أي حاجة بعملها ، وكبرت في نظره إني خايفة من ربنا !! وقال يابنتي بدام إنتي شايفة إنك بتعلمي حاجة غلط هاتيلي عنوانك وأنا هاجي أقدملك علشان مش تحسي بالذنب كل ما تكلميني وأنا أي طلب أهلك هيطلبوه هوافق عليه !

أنا مش عارفة إذا كان الشاب ده صادق ولا لا ؟؟ أنا إتعرضت للموضوع ده قبل كده ، بس ماكنش حُب كاتو بيتسلو بيا !! يعني إتعلمت كويس أوي!! بس برده مش عارفة أثق فيه ، أنا لو أضمن أخويا هخليه يكلمه ويتفاهم معاه ، لكن لو حد من إخواني عرف ، هقل من نظرهم وهيبقي في معاملتهم ليا دايماً شك ! أنا دلوقتي والله بدعي



- هو إنسان كويس وأنا اتعلقت بيه ، طلب مني إنه يشوفني ويكلم معايا بالمايك ! وأنا رفضت وقولته كفاية إني بكلمك من ورا أهلي !!!

- المهم لما لاقاني كده مصممة ورافضة .. قالي إنه راح كلم والده عليا - علي أساس إني كنت زميلته في الكلية - وطلب مني اسمي بالكامل وعنواني ورقم بابا علشان والده يسأل علينا ويجي يتقدم !

- أنا دلوقتي مش عارفة أعمل إيه ؟؟ أصدقه وأدبله اسمي وعنواني ؟؟ ولا أعمل إيه بالطبط ؟؟ المشكلة إني اتعلقت بيه جامد ، أنا عارفة إني غلظت من الأول !! أنا بعدت عنه خلال شهر رمضان كله بس مقدرتش أبعد عنه ورجعت بعد أسبوع من العيد ! ساعدوني بالله عليكم ! [

### ◀ ردينا عليها وقولناها :

☑ إقطع علاتك بيه الله وهتلاقي الخير جابلك من عند الله ..



### ﴿ ردينا عليها وقولناها : ﴾

- هو بيقول إنه عاوزك وتمسك بيكي ومش عاوزك عملي حاجة غلط ، وهو دلوقتي معاه العنوان والتليفون ويبقى المشكلة خلاص انتهت ! هو دلوقتي في إختبار حقيقي علشان بيان هو صادق ولا بيقول كلام وبس ! وبرده بنقولك مينفعش تستمري في الكلام معاه ، ممكن كل شوية يطلع بعذر مختلف والموضوع هيفضل مستمر!

﴿ وبعدها بكام يوم كتبت موضوع بعنوان :

( السلام عليكم .. كلامكم طلع صح ! )

بتقول فيه :

[ أنا صاحبة مشكلة ساعدوني ، أنا مش عارفة أقول إيه بجد؟ كل كلمة قولتوها عندكم حق فيها ! للأسف وبالصدفة إكتشفت معدن الإنسان ده !!! واحدة صاحبتني جت حكيت ليا عن واحد بيحبها ؛ **« والمفاجأة الكبرى »** إنه يطلع نفس الإنسان اللي بيحبنى !! وقايلها نفس الكلام اللي قالهولي وعازب يتقدم لها برده !!



ربنا في كل ثانية يارب ساعدني إني أوصل للطريق الصح ، أنا عايزكم تدعولي بالله عليكم ]

### ﴿ ردينا عليها وقولناها : ﴾

- إستمرارك في الكلام معاه ماينفعش وكده إنتي بتغضبي ربنا ! ولو عايز يتقدمك ، ممكن توصليله نمرة تليفون والدك عن طريق والدتك ، بس لازم تقطعي أي نوع من التواصل معاه من دلوقتي !

﴿ وبعدها بكام يوم بعثت وقالت :

[ أنا صاحبة مشكلة ساعدوني ، أنا إديته اسمي بالكامل والعنوان وقالي إنه إياه لباباه علشان يسأل علينا ، أنا قعدت أدعي ربنا كتير قبل ما أديهوله بس والله أنا عملت كده عشان ربنا برضي عني علشان أنا عارفة إني كده ماشية في الغلط ! وأهو يعني بحاول في التقليل في الكلام معاه على قد ما أقدر ، وسبحان الله ربنا بيساعدني في كده لإما جهازه يبوظ لإما أنت ببفصل، الحمد لله ربنا يحفظني ويحميني من أي شر ، ادعولي ]




### ﴿ أي بنت لسه عندها إستعداد

تستمر في علاقاتها مع الشاب اللي

بتحبه بعد ما شافت الكلام اللي فات

ده كله هتبقى "....."

هسيبكم أنتم تحموا بنفسكم عليها !



- سبتله رسالة قولتله حسبي الله ونعم الوكيل فيك وكلام كله دعا عليه ! لقيته رد عليا بيقولي أنا منكرش إني كنت معجب بيكي وبحبك ، بس أنا إتعلقت بيها ومكنتش عارف أقولك إزاي ؟ إنتي كده ضيعتيها من أيدي لأني كنت بحبها !!

- للأسف قاللي الكلام ده وحتى مش هان عليه كرامتي ولا مشاعري وإني إنسانة وبحس برده !

**أنا عارفة إن دي رسالة من ربنا علشان أفوق !!**

والحمد لله إن ربنا أنقذني من إنسان كان هيبعدني عن ربنا وكان هياذيني !! أنا من ساعتها وأنا بحمد ربنا ، يمكن الصدمة صعبة عليا ؛ بس إتعلمت كتير أووووي المرة دي ! وأنا قفلت الإيميل خالص ومسحت اسمه من الفيس بتاعي وعمري ما هكلم شباب تاني أبداً ..

**بجد أنا بحبكم أوي ، وربنا يخليكم ليا ..**

وأنا آسفه إني طولت عليكم ، ورسالتني لكل بنت :

﴿ إوعي تصدقي أي شاب من علي أنت

ويخدعك بالكلمات المعسولة !!



## ١ - لازم تاخدي قرار فاصل في حياتك بترك الإنسان اللي بتحبيه !!

« قوليله لو عايزني بجد أدخل البيت من الباب مش من النت ولا الموبايل ولا الجامعة !

► **هتقولي :**

**طيب لو لسه بيدرس أو مش معاها إمكانيات إنه يتقدم دلوقتي ؟ نعمل إيه ؟؟؟**

► **هقولك :**

« برده لااa

### الموضوع مش محتاج نريد !!

إنتي مترددة ليبييه ؟؟؟ خافه من إيبيبييه ؟؟

► إوعى تكوني لسه عندك ولو ذرة إعتقاد إنك هنلاقي ذرة سعادة لو إسنمري معاها ؟؟



## إيه الحل ؟؟

« إيه الحل لمشكلة الحب من أول نظرة ؟؟؟

أصل أنا قلبي إتعلق بيه ومش قادرة أنساه ؟؟؟؟!!

« إيه الحل لمشكلة الحب الأول ؟؟؟

أنا مش قادرة أنسى أول إنسان حبيته وحاسه إنني مش هحب بعده تاني حتى لو اتجوزت ؟؟؟!

« إيه الحل لمشكلة الحب من طرف واحد ؟؟؟

أنا بحبه وهموت وأروح أصارحه بحبي له ؟؟؟!

« إيه الحل لمشكلة حب التت ؟؟؟

مش قادرة مكلموش أو أبعد عنه ؟؟؟!!

« إيه الحل لمشكلة حب الجامعة ؟؟؟

أنا بحب زميلي ومش هقدر أسيبه إطلاقاً وخصوصاً إننا مع بعض في دفعة واحدة ؟؟؟!

### إيبيبييه الحل ؟؟؟؟

**هقولك :** مفيش مشكلة إلا ولها حل بإذن الله .. وتعالى تشوف بعض الحلول العملية لمشاكل الحب



## ٢ - استعيني بالله ربك ..

« محدش في الكون ده كله قادر إنه يظهر قلبك ويخليكي تبعدي عن الشخص ده وتنسيه غير **ربنا**

**بس أنتي أصدقي مع الله ولو مرة !!**

« النبي ﷺ يقول :

( إنما سمي القلب من تقلبه ؛ إنما مثل القلب مثل ريشة بالفلاة تعلقت في أصل شجرة ، يُقلبها

الريح ظهراً لبطن ) صححه الألباني

♥ يعني قلبك أضعف مما تخيلي وعمرك ما هتقدري تتحكمي فيه !! وكل شوية هتشتكي إنك بتحنيه ومش قادره تنسي وقلبك بيوجعك ..

والوحيد اللي قادر إنه يحفظ قلبك ويثبتك هو **الله** ..

« قال النبي ﷺ :

( إن القلوب بين إصبعين من أصابع الله

يقلبها كيف يشاء ) صححه الألباني



## ► ربنا أمهلك كتبيبيبيبيير ...

**وسترك كتبيبيبيبيير ..**

ليه لسه مصممة إنك تكلمي وتعصيه وتغضبيه ؟

### إقطعي عرق وسبحي دم ...

♥ ياللا خدي القرار الشجاع .. القرار الوحيد اللي أقسم بالله عمرك ما هتتدمي عليه أبداً ..!!

### ♥ القرار اللي هيرجع الحياة لقلبك من جديد ..!

« أنا عارف إن بعض القرارات ممكن تكون مؤلمة بالنسبة لناس كثير .. بس صدقيني ده ألم مؤقت .. وبعدها هنلاقي السعادة وراحة البال ..

« ساعات كثير الدكاترة بيلجأوا لقطع جزء معين من الجسم لو إنتشر فيه المرض ؛ علشان مينتشرش في باقي الجسم .. قرار صعب ومؤلم ..

**بس لازم يتنفذ علشان إنقاذ حياة المريض ..!!**

♥ ياللا إتشجعي وخدي القرار ..

وأنقذي قلبك قبل ما يفوت الأوان ..!



« قومي بالليل وصلي وادعي ربنا إنه يرزقك نسيان الشخص ده .. ادعي ربنا إنه يطهر قلبك .. ادعي ربنا إنه يملأ قلبك بحبه سبحانه وتعالى .. ادعي ربنا إنه ينور قلبك وبصيرتك بنور الإيمان .. وربنا كريم .. ورحمته وفضله فوق ما يتصور أي مخلوق .. **ومستحيل هيضعك مهما حصل !!** »

♥ أصل ربنا أرحم بيكي من أبوكي وأمك ..  
ربنا أرحم بيكي من أي حد في الدنيا دي كلها ..



✓ **يبقى :**  
**الدعاء ثم الدعاء ثم الدعاء**

« متبطلش دعاء أبداً .. لأنك ضعيفة وفقيرة ومحتاجة لربنا في كل شئ في حياتك .. وربنا الكريم الغني الجواد اللي مستحيل هيردك صفر ..

« **وداومي على ذكر الله والإستغفار وقراءة القرآن ؛ علشان قلبك ينسى ويرتاح .. قال الله :**

**(أَلَا بِذِكْرِ اللَّهِ تَطْمَئِنُّ الْقُلُوبُ)**

الرعد: ٢٨



٣- **إقطعني كل حلقة وصل بينك وبين الشخص ده**

« متسيبش وراكي أي خيوط ممكن تشدك وترجعك تاني للمعصية في أي وقت !! »

« **ليه** لسه الإيميل بتاعه عندك ومحذفتيوش ??? »

« **ليه** لسه رقم موبايله عندك ومحذفتيوش ??? »

« **ليه** لسه الرسائل بتاعته عندك على الموبايل وكل شوية تقعدني تفتحها وتقرأ فيها ??? »

« **ليه** لسه الوردة اللي كان جايبها لك في الفلاتين محتفظة بيها عندك في الأجنحة ??? »

« **ليه** لسه الهدية اللي كان جايبها لك في يوم ميلادك حطها على المكتب عندك وكل شوية تبصليها وتسترجعي الذكريات ??? »

**إقطعني كل صلة بينك وبينه ..**

« **إقفلني كل طريق ممكن الشيطان يدخلك منه**

**ويذكرك بالماضي الأليم ويرجعك من تاني !!** »

٤- **جددي نيتك في البعد عن الإنسان ده**

« لازم تعرفي إنك سببتي الشخص ده علشان إنتي مش عايزة تغضبي ربنا .. »

« **مش** علشان كرامتي إتهانت معاه ! »

« **مش** علشان سمعتي بين زمايلي و الناس ! »

« **مش** علشان أظهر كبرت محترمة قدام الناس وفرصتي تزيد في الجواز ! »

✓ **إنّي سببته علشان رضا ربنا وبس !!**

« ومتخافيش .. النبي ﷺ قال :

**(من ترك شيئاً لله عوضه الله خيراً منه)**

صححه الألباني

♥ يعني كوني واثقة إن ربنا هيعوضك خير .. بس إنتي سببته علشان ربك ، وأبشري بكل خير ..



## ٦- لازم يكون ليكي هدف في الحياة

« إنتي بتعلمي إيه في حياتك؟؟ وعاشة لبيبيه؟؟  
إحنا عايشين عشان نعبد ربنا .. مش كده !!؟  
يبقى خلاص نبدأ نحاول نحقق الهدف ده صح ..

♥ **نبدأ نتعلم ديننا ونقرب من ربنا ..** وحاولي  
تسمعي دروس ومواعظ ترقق قلبك .. هتلاقي  
ألاااااف الدروس على النت وفي كل مكان .. نزلي  
منهم وكل يوم إسمعي درس وإشحني قلبك إيمانياً ..  
« إبدأي في حفظ القرآن وإتعلمي التجويد ..

## غيري نمط حياتك ..

وقولي لنفسك : المحنة دي لازم بعون الله تتحول  
لنجاح ، وأوعي تستسلمي أبدااااااااااااااااااااا ..

« **كثير جداً** كانت بداية نجاحهم في الحياة محنة  
شديدة مرّوا بيها فكانت نقطة تحول في حياتهم ؛  
بل إن أغلب التغيير بييجي بسبب أزمة مرّ بها  
الإنسان في حياته وخرج منها إنسان جديد !



## ٥- إغسلي قلبك

« لازم تبكي وتغسلي قلبك بدموع التوبة والندم  
على كل دقيقة فاتت من عمرك وإنتي بتعصي ربنا  
♥ وف نفس الوقت لاااa

## ما تحول به بيني وبين معصيتك )



♥ **حاولي** تدخلي السعادة على قلب غيرك  
هتحمسي بيها ، روجي دار آيتام حتى لو حاسة إنك  
حزينة ومش قادرة ، روجي العبي مع الأطفال  
وجيبلهم حاجة تفرحهم ..هتلاقي نفسك فرحانة  
على فرحهم.

♥ **إنزلي المسجد** وإحضري حلقات التحفيظ  
والدروس وإتعرفي على البنات الصالحات ..


☑ **حاجات كتيبيري جداً** تقدري تشغلي بيها  
وقت فراغك .. ولو شغلتي نفسك بإذن الله هتقدري  
تبعدي وتنسي وكل حاجة تبقى تمام بإذن الله ..



## ٧- إيااa

« **إيااa**  
« طالما إنتي عرفتي إن عندك هدفك ؛ يبقى لازم  
تستغلي كل لحظة في حياتك عشان تحققيه ..  
« لازم تعملي جدول ليومك وتنظمي وقتك ؛ وفيه  
حاجات كثير جداًاااa

**مع إن الوقت أصلاً بيقضي بالعبادات بالعافية ..!!**  
« ممكن تساعدي والدتك في شغل البيت ..  
ممكن تتعلمي أي مهنة يدوية في البيت زي الخياطة ..  
« **إتعلمي** أي برامج مفيدة على الكمبيوتر زي  
الفوتوشوب وإعلمي تصاميم وإشتغلي في الدعوة ..  
ممكن تشاركي في الجمعيات الخيرية اللي مفياش  
إختلاط وتساعدي الناس وتشتغلي في الخير ..





## ٩ - ابعدي عن أي حاجة تثير قلبك وتذكرك

« بلاش تقراي في روايات وقصص الحب والغرام .. متكلميش مع حد في الموضوع ده ، ولو حد فتحه إقفيه إنتي وقوللي للي حواليك إنك مش عاوزة تتكلمي في الموضوع ده تاني أبدااا.. »

✓ وطبعاً مفيش داعي نقول إنك مش هتسمعي أغاني ولا هتتفرجي على أفلام ومسلسلات ؛ لأنها حرام أصلاً ، وهي أكثر حاجة هتقلب عليك الجروح والمواجع !! وخصوصاً لما هتسمعي الأغنية اللي كان بيحبها أو كان عاملها كول تون أو الفيلم اللي شوفته مع بعض في السينيما.. إلخ ..

« وكل ما تفكري في الموضوع ، فكري نفسك بكل الكلام اللي فات ده ، وفكري نفسك إنها مش نهاية الدنيا وإن اللي حصل ده خير ليكي ، ومتحاوليش تستسلمي أبداً للذكريات والحزن ، وقومي إعلمي أي حاجة مفيدة أول ما تفكري ، وأنسب شيء هو إنك تقومي تصلي وتدعي ربنا .. »



## ٨ - غيري صحتك

النبوي ﷺ يقول :

( المرء على دين خليله ) حسنة الأباقي

« ف طول ما إنتي ماشية مع صاحبك اللي لسه بتكلم حبيبها وكل يوم تحكيك عن اللي حصل ما بينهم والكلام اللي بيقلوه هتفتني غصب عنك ! »

♥ دورّي على صحبة صالحة تاخذ بإيدك وتعينك على الطاعة وتثبتوا بعض بإذن الله .. هتلاقي البنات الكويسين حواليك في كل مكان .. في المدرسة ، في الكلية ، في المسجد .. هتلاقيهم.. ♥ ولو مش لاقية .. أدخلي على منتدى أحلى حياة وإن شاء الله هتلاقي الصحبة الصالحة على النت..



## ١٠ - متلوميش نفسك كل شوية !!

« اللي حصل حصل وإنه .. »

✿ متفديش بقي كل شوية تقولي ياريتني كنت عملت كذا !! ويارتني ما كنت عملت كذا !!!

« قولي : قدر الله وما شاء فعل .. »

✿ والواحد بيتعلم من أخطاءه ، وهيفضل يتعلم لحد ما يموت !

► بس أهم شيء تعرفي نقط ضعفك .. وتسديها في وش الشيطان علشان منقش كل مرة !!



► وفيه نقطة مهمة جداً اسمها :

## حراسة الخواطر

ومُلخص الكلام فيها ؛ إنك متسيبش الحبل لأفكارك إنها تقعد تروح وتيجي بيكي وتوديكي يمين وشمال - يعني بلاش أحلام اليقظة والسرمان الكثير .. وأول ما أي خاطرة تيجي في بالك إستعيذي بالله ..

قال الله تعالى :

(إِنَّ الَّذِينَ اتَّقَوْا إِذَا مَسَّهُمْ طَائِفٌ مِّنَ الشَّيْطَانِ تَذَكَّرُوا فَإِذَا هُمْ مُبْصِرُونَ) الأعراف: ٢٠١

« والنقطة دي أهميتها في إنها بتقفل كل باب شر الشيطان بيفتحه عليك .. أصله لا يملك عليك سلطان إلا الوسوسة وتزيين المعاصي .. »

« ف حاسبي على أفكارك وأحرسها ؛ لأن الخاطرة بتقلب إلى فكرة ثم إلى إرادة ثم إلى عزيمة ثم إلى فعل !!! »





### « اللى منتظرة الجواز علشان تلتزم : »

هنقولها خديها قاعدة ؛ موضوع إنك تنتظري شىء يصلح علاقتك برينا سواء الشىء ده نعمة أو شخص أو حاجة تحصل فده من وسوسة الشيطان للتسوية ! وكثير جداً من الناس كان بيظن إن حاجة معينة لو حصلت هتقربه من ربنا ، فيحصل العكس وتكون أكبر فتنة له وسبب بعده عن ربنا!!  
فيه ناس متفتنتش إلا لما ربنا رزقها بالمال !!  
وفيه ناس اللي فتنها وضيعها كان الزواج !!

« علاقتك برينا إفصلها تماماً عن

أي ظروف وأي حاجة فى الدنيا .. »



### ١١ - توكلي على الله فى موضوع الزواج

« متشيليش نفسك الهمة وتقضى حياتك قاعدة  
منتظرة العريس اللي هييجي ويدق الباب ! »

« إحنا إتفقنا خلاص إن كل شىء **مقدر و مكتوب**  
وإن الرزق بيجري ورا الإنسان زي ما الموت  
بيجري وراه ! ورزقك هييجيك هييجيك ! »

« فنصحتي ليكي يا أختي :

منوقفيش حياك على عريس !! »



« واللى منتظرة الزواج علشان يبقى لها دور  
وتحس إنها نجحت فى حياتها : »

« هنقولها :

**هو إنتي عايشة فى الحياة علشان تتجوزي**

**وتخلفي وتربي العيال ؟؟؟**

- طيب فرضاً مفيش جواز ومفيش عيال ،

**يبقى إنتي كده ملكيش لازمة فى الحياة !!**

☑ **متشيليش الهمة ، وعيشي كل لحظة فى حياك**

**وإسمنعي بيها فى طاعة ربك ..**

« لعل ربنا مقدرلك إنك تنفرغي لشىء أكبر ،  
ولعل الفترة دي تكون فرصة ليكي إنك تتعلمي  
دينك وتعرفي ربك وتحفظي القرآن قبل ما تتشغلي  
بالجواز ..! »



« واللى منتظرة الجواز علشان تبقى سعيدة :

هنقولها ؛ ومين قالك إنك هتكوني سعيدة بالجواز؟  
السعادة والشقاء دي حاجة فى علم الغيب عند ربنا!  
« وليه تأجلي سعادتك وتعيشي مش سعيدة لحد  
ما تتجوزي؟ إيه اللي مانعك تكوني سعيدة دلوقتي؟ »

**ومين قال إن السعادة = أسباب مادية ؟؟!**

► بصي حوايكى هتلاقى ناس معاها كل حاجة من  
أمور الدنيا ؛ فلوس وعربيات وقصور ولكنها مش  
سعيدة بالمره ! **والعكس موجود ..!**

► إوعي تنتظري حد أو شىء يسعدك وخلي  
سعادتك من جواكي **عن طريق صلتك بربك ..**





☑ وعلشان كده كان اللي هيصبر وهيثبت في الزمن ده له أجر عظيم جدا.....

قال رسول الله ﷺ :

( إن من ورائكم أيام الصبر، الصبر فيهن مثل القبض على الجمر ، للعامل فيهن مثل أجر خمسين رجلا يعملون مثل عمله ، قيل يا رسول الله : أجر خمسين رجلا منا؟؟ أو منهم؟؟ قال : بل أجر خمسين منكم ) صححه الألباني

### ❖ مش عايزة نالي شرف الغربة؟؟!

« قال رسول الله ﷺ :

بدأ الإسلام غريباً ، وسيعود كما بدأ غريباً؛ فطوبى للغرباء ) رواه مسلم

« يعني لازم تحسي بالغربة زي الغربة اللي عاشها الصحابة في بداية الإسلام وهما عايشين وسط الجهل والكفر والمعاصي حوليهم في كل مكان ، الإسلام دلوقتي أصبح غريب زي ما بدأ .. فلازم اللي يتمسك بيه يوصل له شعور الغربة ده..



## ١٢ - الصبر والثبات

« الزمن اللي إحنا فيه زمن **صعب أوووووي**.. والفتن خطافة وبتشد الإنسان من كل الجهات !!.. وعلشان كده الرسول ﷺ شبه المتمسك بالدين في الزمن ده بتشبيهه مفيش أبلغ منه .. قال رسول الله ﷺ :

(يأتي على أمتي زمان ، الصابر فيهم على دينه كالقابض على الجمر) صححه الألباني

### تخلي واحد بقى ماسك قطعة نار في إيدته!!



☑ لازم شعور الغربة ده يكون ظاهر عليك في كل حياتك وكل تصرفاتك.. في لبسك ، في كلامك، في مشيتك ، في ركوبك المواصلات ، في وقوفك في الجامعة .. في كل حاجة ..

❖ ومهما الناس قالوا عليك متشدة و معددة و من العصر الحجري و عصر ليالي الحلمية ؛

**مش يهملك ولا يحرك شعرة فيكي !!**

**انتي وثيقة مليون % إنك إنتي اللي صح !**

**مبغركيش كثرة الباطل وأهله !**

« قال الله تعالى :

( وَإِنْ تَطَعْ أَكْثَرُ مَنْ فِي الْأَرْضِ يُضِلُّوكَ

عَنْ سَبِيلِ اللَّهِ ) الأنعام: ١١٦

☑ اثبتى يا مؤمنة يا غالية ..

الدنيا كلها مهما طالقت فهي قصيرة وتهدي .. والأخرة هي الباقية ..

**والعاقل اللي يختار الباقي على الفاني !!..**



♥ يعني إيه "طوبى للغرباء" بقى؟؟

طوبى : اسم شجرة في الجنة ..

وقيل : معناها فرحة وقرعة عين لهم بإذن الله ..

« **اللي الرسول ﷺ عايز يقولهولك ؛ إن مهما كانت البيئة اللي حوليكي كلها معاصي وفتن ، لازم تصبري وتسألني الله الثبات ..**

**« يعني :**

« البنات كلهم بيحبوا ومصاحبين ؛

**بس إنتي غيرهم!**

« البنات كلهم لابسين بديهات وبناطيل ؛

**بس إنتي غيرهم!**

« البنات كلهم بيخرجوا ويطلعوا رحلات مختلطة ويسمعوا أغاني ؛

**بس إنتي غيرهم !!**

❁ **انتي حاجة ثانية**

**بتمسكك بدينك وعفكك وحياءك**



♥ ربك اللي أكرمك وجعلك مسلمة لا سجدتي  
لاصنم ولا عبدتي حجر ولا شجر !  
♥ ربك اللي نعمه علينا كلنا لا تعد ولا تحصى ..  
♥ ربك اللي قلبي وقلبك وقلوب العباد كلها بين  
إيديه .. لو رزق قلوبنا حبه ؛ حياتنا كلها هنتغير!  
وهنحس فعلاً قد إيه إحنا كنا محرومين..!!

☑ قال ابن القيم رحمه الله :

[ إن في القلب فاقة ، لا يسدها إلا حب الله ،  
وفي القلب وحشة ، لا يزيلها إلا الأتس بالله ،  
وفي القلب حسرة ، لا يطفئها إلا الرضا بالله ،  
وفي القلب خوف وقلق لا يذهب إلا بالفرار إلى  
الله والرجوع إليه ]

♥ وعلشان ربنا يرزقك حبه ؛ لازم يكون شعارك:

**فليرض عني الناس أو فليسخطوا ..  
أنا لم أعد أسعى لغير رضاك ..**



◀ قال الله تعالى :  
وَأَمَّا مَنْ خَافَ مَقَامَ رَبِّهِ وَتَهُى النَّفْسَ عَنِ  
الْمُوءَى \* فَإِنَّ الْجَنَّةَ هِيَ الْمَأْوَى ( الفارعات: ٤٠-٤١

🇨🇯 لاازم الواحد يصبر ..

شوية صبر في الدنيا .. هيريحوني للأبد في الآخرة ..

◀ قال الله تعالى :

♥ ( إِنِّي جَزَيْتَهُمُ الْيَوْمَ بِمَا صَبَرُوا أَنَّهُمْ هُمُ  
الْفَائِزُونَ ) المؤمنون: ١١١

♥ ( أُولَئِكَ يُجْزَوْنَ الْغُرْفَةَ بِمَا صَبَرُوا وَيُلَقَّوْنَ  
فِيهَا حَبِيبًا وَسَلَامًا ) الفرقان: ٧٥

♥ ( أُولَئِكَ يُؤْتَوْنَ أَجْرَهُمْ مَرَّتَيْنِ بِمَا صَبَرُوا )

القصص: ٥٤

♥ ( وَجَزَاهُمْ بِمَا صَبَرُوا جَنَّةً وَحَرِيرًا ) الإسنان: ١٢



## ١٣ - مش نفسك تحبيه ويحبك ؟

< عارفه هو مين ؟؟؟؟

♥ ♥ ♥ ربك حبيبك ♥ ♥ ♥

♥ ربك اللي بعدتي عنه كتييبيبيبيبيبيبيبيبير ،  
وعصيته كتييبيبيبيبيبيبيبير ، ومع ذلك فاتحك  
باب التوبة .. وكل يوم ينزل للسماء الدنيا نزولاً  
يليق بجلاله وكماله ويقول :

"هل من سائل فأعطيه؟"

"هل من مستغفر فأغفر له؟"

"هل من تائب فأتوب عليه؟؟"

♥ ربك اللي مخلاش بينك وبينه وسيط ؛ وأول ما  
بتحتاجه وتدعيه بتجديه قريب مجيب ..  
♥ ربك الوحيد اللي ممكن تفضضي ليه وتشكيله  
همومك وتبكي بين إيديه وتطلبي منه وإنتي في  
قمة العزة إنك بتعملي كده !!



## ١٤ - إوعي تياسي !!!

﴿مهما كانت تجربتك ومشكلتك ؛ فدي مش  
نهاية الحياة ! إوعي تياسي مهما حصل ! وإبعدي  
عن كل الأفكار السلبية وبلاش تقولي كل شوية :  
( مش عارفة أعيش من غيره )  
( عارفة نفسي ضعيفة وهرجله تاني )  
( على طول هفضل أحلكه )  
( مش قادرة أنساه ) !

☒ بلاش نقولي كده !

< إنتي مسلمة ، والمسلم عنده إرادة تهد جبال ..  
بس إنتي إستعيني بالله ، وخدي بالأسباب اللي  
ذكرناها ، وبإذن الله هتقدري ..

☑ لاازم نقاومي شيطانك ..

☑ لاازم تجاهدي هواك ..

☑ لاازم نقولي لأ لنفسك ..



١٥ - لو عندك أي مشكلة أو إستفسار ..

◀ ممكن ترسلي رسالة على اكونت الفيس بوك الخاص بي :

<http://facebook.com/Dr.Mostafa.Zayed>

◀ أو على هاتف رقم :

٠١١٩٦٤٤١٣٣



❖ شوية صبر يا أختي ..

◀ شوية صبر علشان طريق الجنة مش سهل .. الطريق كله فتن وشهوات بتشدك من جميع الجهات .. قال رسول الله ﷺ :

( حَفَّتْ الْجَنَّةُ بِالْمَكَارِهِ ، وَحَفَّتْ النَّارُ بِالشَّهَوَاتِ )

متفق عليه

☑ الطريق صعب ؛ ولكن زي ما قال النبي ﷺ :

( وَإِنَّهُ لَيَسِيرٌ عَلَى مَنْ يَسَّرَهُ اللَّهُ عَلَيْهِ )

صححه الألباني

☑ آه هتتعي شوية في الأول ؛ وهتحسي إنك هتموتي وتكلميه وممكن تبكي وتزعلي ، بس لازم تعرفي إنك ماشية على روضة علاج ، ولازم تكملها للأخر علشان تجيب نتيجة ، ولو أي حاجة حصلت وإنتي في رحلة العلاج ؛ لازم تصبري وتكلمي الدوا علشان ترتاحي بعد كده !



☞ وقوليها بأعلى صوتك :

**أنا غالية و مش رخيصة !!**

♥ **وقلبي ملك ربي ،**

♥ **وحبي لله أكبر من أي شئ في الكون ،**

☑ ومن دلوقتي هقطع علاقتي بأي شاب ، وهنزل أشتري لبس واسع فضفاض يرضيك يارب ومش هعصيك تاني أبداً يا حبيبي يا الله ..



✍ **وفي الختام ..**

❖ **عايز أقولك :**

☼ إنتي أرق من إنك تجرحي حياك !

☼ إنتي حد كله حنان ..

كله رقة ..

كله طيبة ..

كلك مشاعر بجد ..

مشاعر جميلة وعاطفة مرهفة ..

**بلاش تخلي مشاعرك في الأرض وكل واحد**

**يدوس عليها شوية !!**

بلاش قلبك يُستهلك في حاجة إنتي عارفة نهايتها كويس !!

**بلاش تدمري مشاعرك وأحاسيسك ..**

وتفرطي فيها في طريق يغضب ربنا ..

**واحفظي بيها لزوجك في الحلال ..**





لأنك  
غالية

- كلمات أجمرت مه ميناء قلبي ..  
فاسمحي لها أن ترسو على شاطئ قلبك ..  
كتبتها وقلبي يعنصر ألاماً عليك !!  
فأنا أخوك .. ووالله إنني أخاف عليك ..  
فاصبري أخاه ..  
وموعدنا حوصه النبي ﷺ يآزن الله ..

أخوك / د. مصطفى زايد



تم بحمد الله